

摘藻堂四庫全書薈要

子部

欽定四庫全書薈要卷一萬一千六百三十七

子部

御定淵鑑類函卷一百八十九

樂部六

瑟

箏

筑

笙篴

琵琶

瑟

增宋陳氏樂書曰瑟者閉也所以懲忿窒慾正人之德也故前其柱則清却其柱則濁爾雅曰大瑟謂之灋

禮樂記曰清廟之瑟朱絃而疏越一唱而三歎有遺

音者矣

注曰此雅澹之樂也言至和不在音也

三禮圖曰雅瑟長八尺

一寸廣一尺八寸二十三絃其常用者十九絃其餘四  
絃謂之蕃羸 文子曰二十五絃各以其聲應言瑟不  
鳴而絃有聲 尸子曰夫瑟二十五絃其僕人鼓之則  
為笑賢者以其義鼓之欲樂則樂欲悲則悲雖有暴君  
立為之變 續文獻通考曰元至元三年大樂署樂器  
成瑟十有四 又曰明瑟俱以朱絃中一絃名曰君絃  
以黃色總二十五絃瑟絃與琴絃不同琴以徽為十二  
律絃為七聲每一聲中具十二律故絃止用七足矣瑟

絃每一絃止為一律與鐘磬音律同

## 瑟二

增世本云庖羲氏作瑟瑟潔也使人精潔於心淳一於行也 呂氏春秋云古朱襄氏之治天下也多風而陽

氣蓄積萬物散解果實不成故士達作為五絃之瑟以

來陰氣以定羣生

案士達朱襄氏之臣

帝王世紀云黃帝損庖

羲之瑟為二十五絃長七尺二寸 莊子曰魯遽調瑟

二十五絃皆動 慎子曰公輸子之巧用材也不能以



檀為瑟 漢楊惲書曰婦趙女也雅善鼓瑟 文獻通

考曰隋何妥好音律留意管絃文帝令定鐘律於是作

平清瑟之調聲 小說曰唐天寶十年錢起從鄉薦居

江湖客舍聞吟於庭中曰曲終人不見江上數峰青視

之無所見矣明年崔曄試湘靈鼓瑟詩落句久不屬即

用為末句因中選人以為鬼謠 南部新書曰唐盧邁

有寶瑟四各直數十萬有寒玉石磬響泉和志之號

宋洪容齋隨筆曰唐李商隱詩云錦瑟無端五十絃說

者以爲錦瑟者令狐丞相侍兒小名此篇皆寓言而不知五十絃所起予按史記封禪書曰漢公孫卿爲武帝言泰帝使素女鼓五十絃瑟悲帝禁不止故破其瑟爲二十五絃於是武帝益召歌兒作二十五絃元史儒學傳熊朋來每燕居鼓瑟而歌以自樂嘗製瑟賦二篇學者爭傳誦之

### 瑟三

原庖義作

晏龍爲

上詳二晏龍晏龍是山海經帝俊生始爲琴瑟

朱襄

作五絃

黃帝長七尺

二並詳

正人德

定羣生

上詳一

詳二下

疏越

和柔

上詳一秦箏何慷慨齊瑟和且柔

曹植瑩篴引云

天帝

破

太師鼓

上詳二太師鼓瑟服之

呂氏春秋鄭不窮

要荒俗

北鄙

音

交州記要荒之地俗好鼓瑟說苑子路鼓瑟有北鄙之音

游魚聽

白虎鼓

上詳樂總一

唱戲豹舞

白虎鼓瑟蒼龍吹簫張衡西京賦總會仙

稱清商

歌無

射

楚詞少原之野赤松子王喬皆在旁二子擁瑟而調均之

余因稱乎清商也下詳上歌三敷席注瑟注

膠柱

絙絃

文子膠柱鼓瑟絙絃也

在御

安絃詩琴

下詳琴四

魚躍

鳳舞

上詳游魚注女鼓瑟而鳳舞

趙

取歌

舍作孺悲欲見孔子孔子辭以疾將命者出戶取瑟而歌使之聞之使知已非真疾子問曾點曰爾何

如鼓瑟希鏗爾舍瑟而作

聲應

絲哀

上詳一

禮絲以立廉

不徹

奚爲

詳琴

子敬

子曰由之

瑟奚爲於丘之門

瑟不合雅頌

格祖考

門

格祖考

格祖考

格祖考

思忠義

搏拊

琴瑟

以詠祖考來

樂總一

軒后之遺音

湘

湘

湘

湘

靈之清韻

黃帝

湘妃

增冬槐

夏桑

易通卦驗人君冬

至日使八能之士

冬

冬

冬

鼓黃鍾之瑟

用槐木長八尺一寸

夏至日瑟用

桑木長五尺七寸

注槐取氣上也

桑取氣下也

如

如

如

如

如

筑

好竽

文獻通考并韓國有瑟其形如筑彈之有音

韓文齊王好竽有求仕者操瑟而立王之

門三年不得入

叱曰吾瑟鼓之能使鬼神上下客罵之

曰王好竽而子鼓瑟瑟雖工如王不好何是所謂工於

於

於

於

於

瑟而不工  
於求齊也

寒玉

鳳桐

唐盧邁詳二

鳳桐遐遠

清

骨

潔心

唐相國李公集紀洪鐘駭

下詳一

東吟

西音李

古風齊瑟彈東吟秦絃弄西  
音慷慨通魂魄使人成荒淫

玉柱

金絃

呂延濟文選別賦注

瑟有柱以玉爲之  
苑詳注金絃揮趙瑟

相靈鼓

孺人鳴

唐錢起事詳二韓

愈感春詩曰已  
呼孺人憂鳴瑟

散豔雪

聽雲和

唐韋應物詩趙瑟

埃一彈和妙謳吹去繞瑤臺豔雪凌空散舞羅起徘徊  
孔帖唐右史鄭休範贈妓天仙歌曰嚴吹如何下太

清玉朋無軫六銖輕雖知不  
是流霞酌願聽雲和瑟一聲

悲管

繁絲

杜甫詩曰

瑟也曲引興今繁絲撫  
琴彙苑詳注繁絲瑟

清塵埃

有緩急

詳散豔雪注說苑

趙王遣使者之楚方鼓瑟而遣之誠之曰必如吾言使  
者曰王之鼓瑟未嘗悲若此也王曰宮商角方調矣使  
商曰調則何不知是以不書耶王曰天有燥溼絃有緩急宮  
有餘里吉凶以辭遭吉則賀之凶則弔之今楚趙相去千  
有餘里吉凶以辭遭吉則賀之凶則弔之今楚趙相去千  
懷靡及每曉夢春心玉煙珠淚山堂肆考唐李商  
端五十絃一絃一柱思華年莊生曉夢迷蝴蝶望帝春  
心託杜鵑滄海月明珠有淚藍田日暖玉生煙此情可  
待成追憶只是當時已惘然山谷道人讀此詩殊不曉  
其意後以問東坡東坡云此出古今樂志錦瑟之爲器  
也其絃五十其柱如之其聲也適怨清和李詩莊生句  
適也望帝句怨也滄海句清也藍田句和也一篇之中  
曲盡其妙史稱其

瑰邁奇古信然

飾以寶玉

繪紋如錦

又曰飾以

寶瑟繪紋如  
錦曰錦瑟

# 瑟四

原雲和之瑟

周禮大司樂職鄭注云雲和地名也

空桑之瑟

同上鄭注云空桑山

名

龍門之瑟

鄭注云龍門山名

黃鍾之瑟

詳三

雅瑟

三禮圖詳

一

絃瑟

楚詞絃瑟兮交鼓思靈保兮賢姤

擗梓瑟

又云鈎鐘擗梓瑟注云鈎鐘搖

撞也搖動也擗轆也

鼓瑟

典畧百里奚相秦其妻嬴而歌至奚第自言能鼓瑟遂鼓瑟而歌

貴賤易位

韓子齊宣王問康倩曰儒者鼓瑟乎對曰不也夫瑟以小絃爲大聲以大絃爲小聲是大

小易序貴賤易位儒者以爲害義故不鼓宣王曰然

暴君立變

尸子詳一

趙王恥

鼓

西征賦澠池之會  
趙王恥爲偏鼓

倚歌

詳上  
歌二

趙女善鼓

楊惲書  
詳二

增撒瑟

梁任彦昇哭范僕射詩寧知安歌日非  
君撒瑟辰儀禮有疾病者齋撒琴瑟

彈

陌上桑

李白擬古詩含情弄柔瑟彈作陌  
上桑絃聲何激裂風捲繞飛梁

靈瑟宵宵

韓愈遠遊聯句  
詩靈瑟時宵宵

錦瑟旁

杜甫詩何時詔取金錢  
會暫醉佳人錦瑟旁

朱

絲

孔帖劉禹錫  
曰朱絲瑤軫

挾瑟

孔帖  
汎瑟  
彙苑詳注汎瑟即  
撫也汎瑟卧蓬帷

一派水泉

元郝經詩曰二十五絃百  
寶裝一派水泉落纖手

瑟五

原詩梁沈約趙瑟曲曰邯鄲竒弄出文梓縈絃急調切



流徵玄鶴徘徊白雲起白雲起鬱披香離復合曲未央  
增唐李嶠詠瑟詩曰伏羲初製法素女昔傳名流水

嘉魚躍叢臺舞鳳驚嘉賓飲未極君子娛俱并倘入丘  
之戶應知由也情 錢起湘靈鼓瑟詩曰善撫雲和瑟

嘗聞帝子靈馮夷空自舞楚客不堪聽逸韻諧金石清  
音發杳冥蒼梧來怨慕白芷動芳馨流水傳湘浦悲風  
過洞庭曲終人不見江上數峰青 劉禹錫調瑟詞曰

調瑟自張絃絃平音自足朱絃二十五缺一不成曲美

人愛高張瑤軫再三促上絃雖獨響下應不相屬日暮  
聲未和寂寥一枯木却顧膝上絃流淚難相續 李益  
古瑟怨曰破瑟悲秋已減絃湘靈沈怨不知年感君拂  
拭遺音在更奏新聲明月天 杜牧瑤瑟詩曰玉仙瑤  
瑟夜珊珊月過樓西桂燭殘風景人間不如此動搖湘  
水徹明寒

第一

增說文曰第五絃筑身樂也

原釋名曰箏施絃高箏

箏然 增樂府雜錄曰善箏者元和至太和中李青青  
及龍佐大中以來有常述本亦妙手也史從李從周皆  
能者也從周即青青孫亞其父之藝也 原史記曰秦  
逐客李斯上書曰夫擊甕扣缶彈箏搏髀而歌呼嗚嗚  
快耳者真秦之聲也 增隋書音樂志曰絲之屬曰箏  
十三絃 原風俗通曰箏秦聲也或曰蒙恬所造 又  
曰按禮樂記第五絃筑身也今并涼二州箏形如瑟不  
知誰改也 傅子曰箏者上圓象天下平象地中空准

六合絃柱十二擬十二月乃仁智之器豈蒙恬亡國之  
臣所能開思運巧 阮瑀箏賦曰箏長六尺以應律數  
絃有十二象四時柱高三寸象三才 增唐劉禹錫與  
柳子厚書曰間發書得箏以爲其工獨得於天姿使木  
聲絲聲均其所自出抑折愉懌學者無能如 文獻通  
考曰高麗樂器用彈箏一搊箏一卧箏一自魏至隋並  
存其器至於制度之詳不可得而知也 又曰宋朝用

十三絃箏第一絃爲黃鍾中聲設柱並同瑟法然非雅

部也

十二中聲一絃黃鍾二絃大呂三絃太簇四絃夾鍾五絃姑洗六絃仲呂七絃蕤賓八絃林鍾九絃夷則十絃南呂十一絃無射十二絃應鍾十三絃黃鍾清聲

續文獻通考曰元制

箏如瑟兩頭微垂有柱十三絃

第二

原英雄記曰呂布詣袁紹紹患布欲殺之遣三十六兵被鎧迎布使著帳邊卧布知之使人帳中鼓箏諸兵卧布出帳去兵不覺也傳子曰郝素善彈箏雖伯牙妙手吳姬奇聲何以加之語林曰桓野王善解音晉孝

武祖宴西堂樂闋酒闌將詔桓野王箏歌野王辭以須  
笛於是詔其常吹奴碩賜姓曰張加四品將軍引使上  
殿張碩意氣激揚吹破三笛末取豬脚笛然後乃理調  
成曲 俗說曰謝仁祖為豫州主簿在桓溫閣下桓聞  
其善彈箏便呼之既至取箏令彈謝即理絃撫箏因歌  
秋風意氣殊道桓大以此知之 增古今注曰邯鄲女

子秦羅敷出採桑於陌上趙王見欲奪之羅敷乃彈箏  
作陌上桑之歌以自明 襄沔記曰辛居士名宣仲隴

西人大明末寓居襄陽善彈箏與淮南胡陶京兆駱惠  
度同志為友常共讌集林下陶吹龍笛惠度工歌時人  
謂之三公樂宋邵陵王休若為南雍州刺史躬往造焉  
宣仲正在林中彈箏了不回顧遂巡置箏於席延邵陵  
與語纔述寒溫而已時邵陵客有述其音者授箏令彈  
再三固請荅曰幸非王門伶人何事見逼占對詳雅衆  
不能屈 梁書曰羊侃字祖忻雅愛文史及孫吳兵法  
姬妾列侍窮極奢靡有彈箏人陸大喜著鹿角爪長七

寸 孔帖曰唐樊彥琛妻魏者揚州人彥琛卒值徐敬  
業難陷兵中聞其知音令鼓箏魏曰夫亡不死而逼我  
管絃禍由我發遂引刀斬指

### 第三

原素質 朱絃

上見顧愷之箏賦 侯瑾箏賦曰物順  
合於律呂音協同於宮商朱絃微而慷

慨兮哀氣  
切而懷傷

應六律 總八風

上詳前 陶融妻陳氏  
箏賦曰列柱成陣既和

且平總八風而熙  
泰羌貫微而洞靈

不疾不徐 或離或合

上見阮瑀  
箏賦

玄箏賦曰追赴促彈急擊  
扣危洪纖雜沓或合或離

移風易俗 推故引新

上見



侯瑾箏賦 傳玄箏賦陰沈陽升柔屈剛興  
玄黃之分推故引新迭為賓主四時之陳

有始有

終

不盈不縮

又云清濁代興有始有終哀起清羽樂混大宮 陶融妻陳氏箏賦度中楷模

不縮  
不盈

歌怨詩

能秦聲

晉書桓伊傳伊為右軍將軍孝武帝召伊飲宴謝安侍坐

帝命伊吹笛伊神色無忤即吹為一弄乃放笛云臣於  
箏分乃不及笛然自足以韻合歌管請以箏歌并請一  
吹笛人帝善其調遣乃敕御妓奏笛伊又云御府人於  
臣必自不合臣有一奴善相便串帝彌賞其放率乃許  
召之奴既吹笛伊便撫箏而歌怨詩曰為君既不易為  
臣良獨難忠信事不顯乃有見疑患周旦佐文武金滕  
功不刊推心撫王政二叔反流言聲節慷慨俯仰可觀  
安泣下沾襟帝甚有愧色 楊惲詩家本秦也能為秦

聲

奏西音

揚大雅

上詳舞四曹植幽思賦擗素箏而慷慨揚大雅之哀音

發新聲

奮逸響

魏文帝詩秦箏發新聲長笛吐清氣  
曹植詩彈箏奮逸響新聲妙入神

朱絃

玉柱

危絃

促柱

增竹潤

銀裝

文獻通考

唐有軋箏以片竹潤其端軋軋成音因取名焉 又曰  
宋何承天幼好律歷之學尤善彈箏文帝賜之銀裝箏  
一 手語 甲鳴 李白詩佳人當窓弄白日絲將手語  
彈鳴箏 白居易詩甲鳴銀玦璫柱

觸玉玲瓏

玉指

銀甲

元稹詩箏絃玉指調  
杜甫詩銀甲彈箏用

繫爪

象雲

梁簡文帝詩停絃時繫爪息吹治唇朱按妓女以  
鹿角琢為爪以彈箏曰繫爪 文獻通考唐清樂

部有雲和箏

合律

象閏

又曰阮瑤謂絃有十二四  
時度也唐惟清樂箏十二

蓋其首象雲

絃他皆十三絃今教坊無十二絃者不知五絃合乎  
五音十二絃合乎十二律而十三絃其一以象閏也

青苔怨

綠雲垂

唐顧況李湖州孺人彈箏歌上陽宮人怨青苔此夜想夫憐碧玉思婦高

樓刺壁窺愁猿叫月鸚呼兒寸心十指有長短妙入神處無人知李白邯鄲南亭詩清箏何繚繞度曲綠雲

垂

楚絲絃

泗濱梓

唐釋皎然觀李中丞美人軋箏歌軋用蜀竹絃楚絲清哇宛轉

聲相隨

魏曹植書

斬泗濱之梓以為箏

鼉皮背

鹿角爪

合璧唐西舍利獻其國樂

至成都箏二其長四尺有四足虛腹

西京伎

陌上

以鼉皮飾背面及仰肩

下詳一

聲

唐志西京伎有彈箏搗箏各一合璧羅敷陌上之聲

第四

原彈箏作歌

古今注羅敷詳二

鼓箏悲歌

煖煌實錄索丞宗伯夷成善鼓箏悲

歌能使喜者墮淚改調易謳能使戚者起舞時人號曰雍門調

增哀響

韓愈感春詩  
嬌童為我歌

哀響詩  
箏笛

哀箏

杜甫詩哀  
箏傷老大

頌瑟

唐樂志頌  
瑟箏也

## 第五

原詩梁元帝和彈箏人詩曰橫箏在故帷忽憶上絃時  
舊柱未移處銀帶手經持悔道啼將別交成今日悲

入詩曰瓊柱動金絲秦聲發趙曲流徵含春陽美手過  
如玉 昭明太子詠彈箏人詩曰故箏猶可惜應度新  
人邊塵多塞移柱風燥脆調絃還作三洲曲誰念九重

泉 沈約詠箏詩曰秦箏吐絕調玉柱揚清曲絃依高  
張斷聲隨妙指續徒聞音繞梁寧知顏如玉 王臺卿  
詠箏詩曰依歌時轉韻按曲動花鈿促調移輕柱亂手  
度繁絃唯有高秋月秦聲獨可憐 陳陸瓊玄圃宴各

詠一物得箏詩曰三五併時年二八共來前今逢泗濱  
樹定減琴中絃鶴別霜初緊烏啼月正懸 唐李嶠詠  
箏詩曰蒙恬芳軌設遊楚妙彈開新曲帳中發清音指  
下來鈿裝模六律柱列配三才莫聽西秦奏箏箏有剩

哀 增唐岑參秦箏歌送外甥蕭正歸京詩曰汝不聞  
秦箏聲最苦五色纏絃十三柱怨調慢聲如欲語一曲  
未終日移午紅亭水木不知暑忽彈黃鍾和白紵清風  
颯來雲不去聞之酒醒淚如雨汝歸秦兮彈秦聲秦聲  
悲兮聊送汝 王灣觀搗箏詩曰虛室有秦箏箏新月  
復清絃多弄委曲柱促語分明曉怨凝繁手春嬌入慢  
聲近來惟此樂傳得美人情 顧況鄭女彈箏歌曰鄭  
女八歲能彈箏春風吹落天上聲一聲雍門淚承睫兩

聲赤鯉露髻鬢三聲白猿臂拓頰鄭女出參大人時落  
花惹斷遊空絲高樓不掩許聲出羞殺百舌黃鶯兒

盧綸宴席賦得姚美人搗箏歌

美入曾在禁中

曰出簾仍有鈿

箏隨見罷翻令恨識遲微収皓腕傳紅袖深過朱絃低  
翠眉忽然高張應繁節玉指迴旋若飛雪鳳簫龍管寂  
不喧繡幕紗窓儼秋月有時輕弄和郎歌慢處聲遲情  
更多已愁紅臉能佯醉又恐朱門難再過昭陽伴裡最  
聰明出到人間纔長成遙知禁曲難翻處猶自君王說

小名 白居易箏詩曰雲髻飄蕭綠花顏旖旎紅雙眸  
剪秋水十指剝春蔥楚豔為門閤秦聲是女工甲鳴銀  
玦瓌柱觸玉璫瓏媛苦啼嫌月鶯嬌語昵風移愁來手  
底送恨入絃中 王諲夜坐看搗箏詩曰調絃夜坐燈  
光裏却挂羅帷露纖指朱絃一一聲不同玉柱連連影  
相似不知何處學新聲曲曲彈來未覩名應是石家金  
谷裏流傳未滿洛陽城 常建高樓夜彈箏詩曰高樓  
百餘尺直上江水平明月照人苦開簾彈玉箏山高猿



狄急天靜鴻鴈鳴曲度猶未終東峰霞半生 朱灣箏  
柱子詩曰散木今在幸良工不棄捐力微慙一柱材薄  
仰羣絃且喜聲相應寧辭跡屢遷知音如見賞雅調為  
君傳 劉禹錫傷秦姝行曰長安二月花滿城插花女  
兒彈銀箏南宮仙郎下朝晚曲頭駐馬聞新聲馬啼凌  
遲心蕩漾高樓已遠猶頻望此時意重千金輕烏傳消  
息紺輪迎芳筵銀燭一相見淺笑低鬟初目成蜀絃錚  
鏦指如玉皇帝弟子韋家曲青牛文梓赤金簧玫瑰寶

柱秋鴈行歛蛾収袂凝清光抽絃授調怒且長八鸞鏘  
鏘渡銀漢九雛成鳳鳴朝陽曲終韻盡意不足情思悄  
絕愁空堂從卽鎮南別城闕樓船理曲瀟湘月馮夷蹕  
蹕舞漾波鮫人出聽停綃校北池含煙瑤草短萬松亭  
下清風滿秦歌一曲此時聞嶺泉嗚咽腸堪斷來自長  
陵小市東薜華零落瘴江風侍兒掩泣悲銀甲鸚鵡不  
言愁玉籠博山爐中香自滅鏡奩塵暗同心結從此東  
山非昔遊長嗟人與絃俱絕 宋歐陽修李留後家聞

箏詩曰不聽哀箏二十年忽聞纖指弄鳴絃綿蠻巧轉  
花間舌嗚咽交流冰下泉常謂此聲今已絕問渠從小  
自誰傳樽前笑我聞彈罷白髮蕭然涕泣連

原賦後漢侯瑾箏賦曰於是急絃促柱變調改曲卑殺  
纖妙微聲繁縟散清商而流轉兮若將絕而復續紛曠  
蕩以繁奏邈遺世而越俗若乃察其風采練其聲音美  
哉蕩乎樂而不淫雖懷思而不怨似幽風之遺音於是  
雅曲既闕鄭衛仍修新聲順變妙弄優遊微風漂喬冷

氣輕浮感悲音而增歎愴嘖悴而懷愁若乃上感天地  
下動鬼神享祀祖宗酬酢嘉賓移風易俗混同人倫莫  
有尚於箏者矣 魏阮瑀箏賦曰惟夫箏之奇妙極五  
音之幽微苞羣聲以作主冠衆樂而為師凜清和於律  
呂籠絲木以成資身長六尺應律數也故能清者感天  
濁者合地五聲並用動靜簡易大興小附重發輕隨折  
而復扶循覆逆開浮沉抑揚升降綺靡殊聲妙巧不識  
其為平調定均不疾不徐遲速合度君子之行也慷慨

磊落卓礫盤紆壯士之節也曲高和寡妙伎難工伯牙  
能琴於茲為朦朧繹翕純庶配其蹤延年新聲豈此能  
同陳惠李文曷能是逢 晉陶融妻陳氏箏賦曰伊夫  
箏之為體惟高亮而殊特應六律之攸和與七始乎消  
息括八音之精要超衆器之表式后夔創制子野考成  
列柱成陣既和且平牙氏攘袂而奮手鍾期傾耳以靜  
聽奏清角之要妙詠騶虞與鹿鳴獸連軒而率舞鳳踉  
蹌而集庭汎濫浮沈逸嚮發揮翕然若絕皎如復迴爾

乃祕辭豔曲卓礫殊異周旋去留千變萬態 賈彬箏  
賦曰溫顏既緩和志向悅賓主交歡聲鐸品列鍾子授  
箏伯牙擊節唱葛天之高韻讚幽蘭與白雪其始奏也  
蹇澄疏雅若將暢而未越其漸成也抑按鏗鏘猶沈鬱  
之舒徹何以盡美請徵其喻剖狀同形兩象著也設絃  
十二太簇數也列柱參差招搖布也介位允諧六龍御  
也 顧愷之箏賦曰其器也則端方修直天隆地平華  
文素質爛蔚波成君子嘉其斌麗知音偉其含清罄虛

中以揚德正律度而儀形良工加妙輕縹璘彬玄漆絨  
嚮慶雲被身 梁簡文帝箏賦曰聽鳴箏之弄嚮聞茲

絃之一彈足使遊客戀國壯士衝冠若夫楚王怡蕩楊  
生娛志小國寡民督郵無事乃有燕餘麗妾方桃譬李  
本住南城經居東里度瓊瓏之曲閣出翡翠之香帷腕  
凝紗薄珮重行遲爾乃促筵命友銜觴置酒耳熱眼華  
之娛千金萬年之壽白日蹉跎時淹樂久玩飛花之度  
窻看春風之入

一作動

柳命麗人於玉席陳寶器於紈羅

撫鳴箏而動曲譬輕薄之經過若夫釣竿復發蛺蝶初  
揮動玉匣之餘怨鳴陽鳥之始飛逐東趨於鄭女和西  
舞於荆妃使長廊之瓦虛墜梁上之塵染衣 陳顧野  
王箏賦曰調宮商於促柱轉妙音於繁絃既留心於別  
鶴亦含情於採蓮始掩抑於紉扇時怡暢於升天

### 筑

原如箏

釋名筑以竹鼓之也如箏細項

如琴

樂書筑形如琴十三絃項細肩圓鼓法以左手

扼之右手以竹尺擊之隨調應律

飲燕市

史記荆軻擊筑與高漸離飲於燕市中

為



壯聲

燕太子丹云高漸離擊筑荆軻和之為壯聲髮皆衝冠

還沛擊

史記高祖紀高祖還

沛自擊筑而歌

大會擊

東觀漢記光武大會真定王自擊筑

增置於雅部

文獻

通考唐置筑於雅部長四尺五寸折九尺之半為法是不知特世俗之樂非雅樂之音也

設柱同

箏

又曰宋朝沿習唐制設柱同箏法第一絃黃鍾正聲次第十二正聲全第十三絃黃鍾清聲

以

筋擊

又曰箏以指彈筑以筋擊大同小異

按習並依鍾律

又曰其按習並依鍾律彈

擊之法降之於俗部可也

箏篪一

原釋名曰箏篪師延所作靡靡之樂後出桑間濮上之

地蓋空國之侯所作也師涓為晉平公鼓焉鄭衛分其地而有之遂號鄭衛之音為淫樂

增樂府雜錄曰塋

篪乃鄭衛音之權輿也以其亡國之音故號空國之侯亦曰坎侯古樂府有公無渡河之曲昔有白首翁溺於河歌以哀之妻麗玉善塋篪撰此曲以寄哀情咸通中第一部有張小子忘其名彈弄冠於今古今在西蜀太和中有李齊臯者亦為上手曾為某門中樂史後有女亦善此伎為先徐相姬大中末齊臯尚在有內官擬引

入教坊辭以衰老教坊雖有三十人能者一兩人而已

史記曰祠太一后土始用樂作箏篪 晉永和起居

注曰詔太史解土非祠典可給琵琶箏篪 桓譚新論

曰鄙人謂狐為狸以瑟為箏篪此非徒不知狐與瑟乃

不知狸與箏篪也 原司馬相如凡將篇曰鐘磬竽笙

筑坎侯 樂府歌詩曰集會堂 上長彈箏篪 增文獻通

考曰箏篪唐制似瑟而小其絃有七用木撥彈之以合

二變故燕樂有大箏篪小箏篪音逐手起曲隨絃成蓋

若鶴鳴之嘹唳玉聲之清越者也 續文獻通考曰元  
筦篥制以木闊腹腹下施橫木而加軫二十四柱頭及  
首並加鳳喙

筦篥二

原風俗通曰筦篥一名坎侯謹按武帝祀太山太一后  
土令樂人侯調依琴作坎侯言其坎坎應節也侯以姓  
冠章也或曰筦篥取其空中 班彪上事曰漢宣帝賜

呼韓邪單于竽瑟筦篥 曹毗筦篥賦序曰東土君雅

善箜篌 搜神記曰晉永嘉中有神見兗州自號樊道  
基有姬號成夫人夫人好音樂能彈箜篌聞人絃歌輒  
起舞 甄異傳曰永和中吳郡陳緒家平旦忽有扣門  
自通曰陳都尉寄住緒有妾姓奚能彈箜篌神意歡悅  
既令妾絃歌歌聲焦細歷三年廼別去 琴操曰箜篌  
引者朝鮮津卒霍里子高所作也子高晨刺船而濯有  
一狂夫被髮提壺而渡其妻追止之不及墮河而死乃  
號天歔歔鼓箜篌而歌曲終投河而死子高援琴作其

歌聲故曰箜篌引 增唐酉陽雜俎曰魏高陽王雍美  
人余月華能彈卧箜篌為明妃出塞之聲 合璧曰唐  
哥舒翰監軍李太宜在軍中不治事與將士彈箜篌為  
樂 逸史曰有李生者其舅盧有道術別久忽相遇邀  
生詣其居曰求得一妓善箜篌令侍飲李生視箜篌上  
有朱字云雲中辨江樹天際識歸舟盧曰此人名家莫  
要作婚否李莫測而退後娶陸長源女乃所見於盧家  
者問何能曰善箜篌示之朱字宛然李生具說女亦曰

嘗夢至一處亦記見生 類說曰趙文韶住青溪月夜

唱烏飛曲忽有青衣至曰王家娘子傳語聞君歌聲有

關人者須臾女子至容色可憐文韶乃歌深契女心曰

但令有瓶何患無水取箜篌鼓之令婢歌繁霜自解裙

帶縛箜篌歌曰日暮風吹葉落依依丹心寸意愁君不

知窮夕別去明日至青溪廟中女姑神像即夜所見者

箜篌三

原漢祠 晉解

並詳前一

濮水

前溪

上詳前一  
下見曹毗賦

湖

上桑間

上詳前二  
下見曹毗賦

孫賦

霍歌

鈕滔母孫氏有  
瑩篴賦 下詳

前依琴

考筑

上詳前二  
綠承先賦

楊方瑩篴賦序羽儀采  
起於造衣瑩篴祖琴

琴考筑箏作茲器於  
漢代猶擬易之玄經

宋女揮

吳妃引

孫氏賦后夔  
正樂唱引參

列宋女揮絲秦娥撫節  
下見曹毗瑩篴賦

增青溪

朱字

並詳  
前二

繁霜

碎玉

上詳前二  
秋鴈聯聯度

唐顧況李供奉瑩篴歌曰大絃似  
龍關小絃似春燕喃喃向人語手

頭疾腕頭軟來來去去如風卷聲清冷冷鳴索索垂  
珠碎玉空中落美人爭窺玳瑁簾聖人卷上真珠箔

鳳喙

鶴鳴

上元制下唐燕  
樂並詳前一

立卧

大小

合璧立瑩  
篴漢靈帝

好之體曲而長二十三絃抱於懷中兩手齊奏謂之擘  
卧瑩篴余月華事詳二 大小瑩篴唐燕樂詳前一



木撥彈

袁帶縛

上詳前一  
下詳前二

音逐手起

曲隨

絃成

並詳  
前一

箏篴四

原詩梁簡文帝賦箏篴詩曰振遲初挑吹弄急時催舞  
釧響逐絃鳴衫廻半障柱欲知心不平君看黛眉聚

增唐李賀箏篴引曰吳絲蜀桐張高秋空山凝雲頽不  
流江娥啼竹素女愁李憑中國彈箏篴崑山玉碎鳳凰  
叫芙蓉泣露香蘭笑十二門前融冷光二十三絲動紫

皇女媧鍊石補天處石破天驚逗秋雨夢入神山教神  
嫗老魚跳波瘦蛟舞吳質不眠倚桂樹露脚斜飛溼寒  
兔

原賦晉鈕滔母孫氏箜篌賦曰考茲器之所起實侯氏  
之所營遠不假於琴瑟顧無取乎竽笙爾乃陟九峻之  
層巖晞承溫之朝日剖嶧陽之孤桐伐楚宮之椅漆徵  
班輸以造器命伶倫而調律浮音穆以遐暢沈響幽而  
若絕樂操則寒條反榮哀曼則晨華朝滅邈漸離之清

角超子野之白雪然思超梁甫願登華嶽路嶮悲秦道  
難怨蜀遺逸悼行邁之離秋風哀年時之連陵危柱以  
頤頤憑哀絃以躑躅於是數轉難測聲變無方或冉弱  
以飄沈或頓壯以抑揚或散角以放羽或攄徵以騁商

曹毗瑩篴賦曰嶧陽之桐植穎巖標清泉潤根女蘿  
被條爾乃班楚制器窮妙極巧龍身鳳形一作頸連翩窈

窕纓以金采絡以翠藻其絃則烏號之絲用應所任體  
勁質朗虛置自吟於是召倡人命妙姿御新肴酌金罍

發愁吟引吳妃湖上颿沓以平雅前溪藏摧而懷歸東  
郭念於遠人參覃愁於永違 宋臨川王劉義慶瑩篴  
賦曰侯牽化而始造魯幸奇而後珍名啓端於雅引器  
荷重於吳君等齊歌以無譬似秦箏而非羣 增唐人

失名瑩篴賦曰山有梧兮猗猗乍雲鬱而風披豈雅琴之

獨得諒瑩篴之可為操斧者取則不遠度木者形之又  
奇侯以姓而得瑩以坎為知考宮商於制氏窮巧妙於  
般倅虛受其心北牖之清風合韻曲全其勢南樓之華

月半虧彫鏤雜錯絲組懸垂倚銀屏而燭爛拂綺袖而  
彰施矧陰陽之應節蓋風俗之能移況乎度曲無方安  
位必中調而合雅聲則殊衆既而越艷秦娥南鄰北里  
玉戶卷兮真珠箔清揚婉兮瓠犀齒青樓何處倚城向  
日九鳥雛綺帳初開綵綬銜花雙鳳子乍瑤瑟而不御  
彈箜篌以為美絙朱絃揮玉指邀鄭舞以徐進雜吳娃  
而競起靡靡乎蕩心洋洋乎盈耳

琵琶一

原釋名曰琵琶本於胡中馬上所鼓也推手前曰琵引

却曰琶因以為名

釋智匠樂錄曰琵琶出於絃鼗

杜摯

以為興之秦末蓋苦長城役百姓絃鼗而鼓之

古之善彈琵琶者有朱生阮咸

孫放孔偉

增唐開元中有賀懷智貞元中有康崑崙

王芬曹保保子善才其孫曹鋼皆襲所藝次有裴興奴

原風俗通曰琵琶近出樂家所作不知誰作也長三

尺五寸法天地人與五行也又四絃象四時也 增文

獻通考曰琵琶其器不列四箱今清樂秦琵琶俗謂之

秦漢子圓體修頂而小疑是絃鼗之遺制 宋蔡寬夫  
詩話曰樂譜琵琶曲有轉關六么取其聲調閑婉又有  
獲索梁州謂其音節閑繁 續文獻通考曰遼大樂器  
有大琵琶小琵琶 又曰元琵琶制以木曲首長頸四  
軫頸有品闊面四絃面飾雜花 又曰明攬掇樂器用  
琵琶二丹墀大樂樂器用八成祖時中宮千秋節命婦  
相賀女樂亦用八千秋節相賀樂器用二迎膳同

琵琶二

原傳玄琵琶賦序曰世本不載作者故老云漢送烏孫公主念其行道思慕使知音者於馬上作之觀其器中虛外實天地象也盤圓柄直陰陽敘也四絃法四時也以方語目之故云琵琶取易傳於外國也 三輔決錄曰游楚表乞宿衛拜駙馬都尉楚不學問性好遊遨音樂及畜歌者琵琶箏笛每行來將以自隨 傅子曰朱生善彈琵琶雖伯牙之妙無以加之也 語林曰謝鎮西著紫羅襦據胡床在大市佛圖門樓上彈琵琶作大



道曲 世說曰桓大司馬曰謝仁祖企脚在北牖下彈

琵琶故自有天際真人想 異苑曰南平國岳在姑孰

有鬼附之每占吉凶輒先索琵琶隨彈而言事有驗或

云是老鼠所作名曰靈侯 幽明錄曰晉司空桓豁在

荊州有參軍剪五月五日鵲舌教令學語遂無所不

名與人相顧問參軍善彈琵琶鵲每聽移時 竹林

七賢論曰阮咸善彈琵琶 增文獻通考曰齊褚淵善

彈琵琶武帝時在東宮賜之金縷銀柱琵琶

高帝曲宴  
羣臣俾各

效伎能淵彈琵琶王僧虔彈琴沈文秀歌張敬兒舞王敬則拍王儉曰臣無所解唯知誦書因跪前誦相如封禪書

又曰北齊李搔李德忱素善音律因採諸聲別造一器號曰八絃時人稱其精理又曰七絃琵琶形類阮咸而旁有少缺近取便身也唐開元中鄭喜子所進又曰六絃琵琶狀如琵琶而長唐天寶中史盛所作又曰唐天寶中宦者白秀正使西蜀回獻雙鳳琵琶以邏逤檀為槽潤若圭璧有金縷紅紋感成雙鳳貴妃每自奏於梨園音韻淒清飄如雲外殆不類人間諸王

貴主競為貴妃琵琶弟子 樂府雜錄曰貞元中長安

大旱詔移兩市祈雨街東有康崑崙琵琶號為第一手

謂街西必無已敵也遂登樓彈一曲新翻調綠腰

樂工進曲

上令錄書要者巧以街西亦建一樓東市大謂之及崑

為名誤言綠腰也

崙度曲畢西樓出一女郎抱樂器亦彈此曲移在楓香

調中妙絕入神崑崙驚駭請以為師女郎遂更衣出乃

裝嚴寺段師善本也翌日德宗召之嘉獎異常乃令崑

崙彈一曲段師曰本領何雜兼帶邪聲崑崙驚曰段師

神人也德宗令授崑崙段師奏曰且請崑崙不近樂器  
十數年使忘其本領然後可教詔許之後果窮段師之  
藝五代史補曰馮吉瀛王道之子能彈琵琶以皮為  
絃世宗嘗令彈於御前深欣善之因號其琵琶曰繞殿  
雷三朝聖政錄宋太祖曰資蔭子弟在家但能彈琵  
琶弄絲竹豈能治民於是未許親民元秋宜集曰李

宮人善琵琶至元十九年以良家子入宮得幸比之王  
昭君耶律楚材湛然居士集曰了然居士素蓄東坡

鐵杖洎地字號阮真絕世之寶

公自注云地字號阮亡宋之故物天地玄黃此

四阮為絕寶也泰和間祕於禁中待詔孫安仁之姪以琴阮得入侍上以此阮賜之安仁屢求之其姪以阮見寄舊制宮掖中侍人不許與親戚通耗安仁冒法得之其好事有如此者

耳譚曰明京師

瞽者李近樓籍錦衣千戶善琵琶能左右手彈新聲古曲無不絕妙平生羈愁哀怨及人已胸中事皆於鳴絃鐵撥發之令人髮上指淚交下忽作魚山梵唄冷然孤僧雲水復作蘇臺圍獵淒然百獸鳴嗥

琵琶三

原馬上

牖下

並詳前二

丹桂

素桐

上見成公綏琵琶賦下見孫該琵琶

琵琶賦

駭耳

娛心

成公綏琵琶賦好和者唱讚善聽者咨嗟眩精駭耳失節蹉跎傳玄歌

詩所樂亦非瑟所樂亦非琴唯言琵琶與箏能娛我心

緩調

急節

孫該琵琶賦緩調平

絃原本反始溫雅冲泰弘暢通理成公綏琵琶賦改調高彈急節促撾飛龍引舞趙女駢羅

奏六

引理五章

傳玄琵琶賦然後衆弄雜會六引遞奏絃振武迅手繁驚成公綏琵琶賦掇止

金石屏斥笙簧彈琵琶於私宴授西施與毛嫱撰理參暢五齊五章

梁山象柱

岱谷

絲絃

上見成公綏琵琶賦下見孫該琵琶賦

聞促聲高

中虛外實

嵇康

元聲哀樂論平和之人聽箏笛琵琶則形躁而志越聞琴瑟之音則體靜而心開夫琵琶箏笛聞促聲高故使

人形躁而志越

下詳前一

# 帝命彈鬼擊節

世說范蔚宗善彈琵琶能為新聲宋

武帝聞之屢詔以徵旨偽為不曉終不肯彈一日因飲宴歡適謂曰我欲歌卿可彈乃奉旨上歌既畢范亦罷絃異苑永熹中李謙善琵琶元嘉初往廣州夜集坐倦悉寢惟謙獨揮彈未卧輒聞窓外有唱歌聲每至契會無不擊節謙怪語曰何不進邪對曰遺生已久無宜干突始悟是鬼

歲數成陰陽

序

上見成公綏琵琶賦下詳一

挺修柄

叩少宮

傅玄琵琶賦挺修柄以布柱轉

四時而發機孫詠琵琶賦爾乃叩少宮騁明光發下柱轉上腔儀祭氏之繁絃放莊公之倍簧

明

君慰思惠文致婦

石崇琵琶引王明君奉為昭君以避文帝諱改匈奴請婚元帝以明

君配焉高惠文與婦書曰今致琵琶一枚音甚清亮

操暢駱驛

發越哀傷

上見孫談琵琶賦  
下見傳玄琵琶賦

增瓦為

銅鑄

文獻通考晉阮咸善彈琵琶後

有發咸冢者得琵琶以瓦為之時人多不識以琴合調大抵異器而同音也又曰昔元行冲為太常卿時有

人於古冢中得銅物似琵琶而身正圓莫有識者元視之曰此阮咸所造樂具乃命工匠易銅以木其為聲雖

清而雅然亦失其故音矣

金縷

紅紋

並詳

鳳頸

蛇皮

文獻通考

琵琶之制刻桐絃叢而鼓之龜腹鳳頸熊據龍旋其器則瑩篋也又曰扶南高麗龜茲疎勒西凉等國其樂

皆有蛇皮琵琶以蛇皮為槽厚一寸餘鱗介具焉亦以楸木為面其捍撥以象皮為之圖其國王騎象甚精妙

曲項

屈茨

又曰梁史稱太樂令彭俊賣曲頸琵琶就簡文帝飲又曰後魏宣武時樂器

有曲茨琵琶說者謂制度不存八音之器所不載以意推之豈琵琶為曲茨之形然也

龍首



雲頭

合璧唐西舍利獻其國樂至成都韋臯以其樂器異常乃圖畫以獻有龍首琵琶又曰雲頭琵琶

形如前以雲為首

玉環

鐵撥

天中記王環唐睿宗所御琵琶也唐樂府雜錄賀懷智

以石為槽鷓鴣雞筋作絃用鐵撥彈之

鷓鴣絃

脂韉帶

上詳鐵撥注樂府雜錄樂史

楊志善琵琶其姑尤妙絕姑本宣徽弟子後放出宮住永穆觀中自惜其藝常畏人聞每至夜方彈志懇求教授堅不久且曰誓死不傳於人也志乃賂其觀主求寄宿於觀竊聽其姑彈弄仍繫脂韉帶以手畫帶記節奏遂得一兩曲調明日攜樂器詣姑姑大驚異即告其事姑意乃回盡傳其能撥若風雨

長於攏撚

並詳左右有手注

大小忽雷

左右有手

樂府雜錄文宗

朝女弟子鄭中丞善彈琵琶內庫有兩面琵琶號大小忽雷又曰貞元中王芬曹保保子善才其孫曹鋼皆

襲所藝次有裴興奴與鋼同時曹善運撥若風雨而不  
事扣絃與奴長於擺撚時人謂曹鋼有右手興奴有左  
手武宗初李德裕有樂史廉郊者師於曹鋼盡鋼之能  
鋼常曰教人多矣未有此性靈弟子也郊當在平泉別  
墅值風月清朗攜琵琶池上彈麋賓調忽聞芰荷間有  
物跳躍之聲必謂是魚及彈別調即無所聞復彈舊調  
依舊有聲遂加意朗彈忽有一物鏘然躍出池岸之上  
視乃方響一片蓋麋賓鐵也以指撥精妙律呂相應也

# 渾撥四

## 火不思

宋俞琰席上腐談琵琶又名輦婆  
唐詩琵琶字皆作入聲音弼王昭君

琵琶壞使人重造而其形小昭君笑曰渾不似今訛為  
渾撥四續文獻通考元火不思制如琵琶直頸無品

有小槽圓腹如半瓶榼以皮  
為面四絃皮絃同一孤柱

## 名士亦操

## 老鬼能鼓

語林桓溫外甥恒在坐鼓琵琶溫醉後指琵琶曰名士  
固亦操斯器錄異傳吳句章民楊度至餘姚夜行有

一年少持琵琶求寄載度許之鼓琵琶作數十曲曲畢  
乃吐舌擊目以怖度而去行數十里許又見一老父寄  
載自云姓王名戒因復載之度曰向逢一鬼鼓琵琶甚  
哀戒曰我亦能鼓即是向鬼復擊眼吐舌度怖幾死

琵琶四

原詩南齊王融琵琶詩曰抱月如可明懷風殊可清絲  
中傳意緒花裡寄春情掩抑有奇態淒鏘多好聲芳袖  
幸持拂龍門空自生 梁徐勉琵琶詩曰雖為遠道怨  
翻成今日歡含花已灼灼類月復團團 隋陳叔達聽  
隣人琵琶詩曰本自龍門桐因妍入漢宮香由羅袖裏

聲逐朱絃中離有相思韻翻將入塞同關山臨却月花  
藥散迴風為將金谷引添令曲未終 唐太宗詠琵琶

詩曰半月無雙影金花有四時摧藏千里態掩抑幾重  
悲促節縈紅袖清音滿翠帷駛彈風響急緩曲釧聲遲  
空餘闌隴恨因此代相思 增唐白居易琵琶行曰轉  
軸撥絃三兩聲未成曲調先有情絃絃掩抑聲聲思似  
訴平生不得志低眉信手續續彈說盡心中無限事輕  
攏慢撚抹復挑初為霓裳後六么大絃嘈嘈如急雨小

絃切切如私語嘈嘈切切錯雜彈大珠小珠落玉盤間  
關鶯語花底滑幽咽泉流水下灘水泉冷澀絃疑絕疑  
絕不通聲暫歇別有幽愁暗恨生此時無聲勝有聲銀  
瓶乍破水漿迸鐵騎突出刀鎗鳴曲終收撥當心劃四  
絃一聲如裂帛東舟西舫悄無言惟見江心秋月白  
又代琵琶弟子謝女師曹供奉寄新調弄譜詩曰琵琶  
師在九重城忽得詩來喜且驚一紙展看非舊譜四絃  
翻出是新聲蕤賓掩抑嬌多怨散水玲瓏峭更清珠顆

淚霑金捍撥紅妝弟子不勝情

凝賓散水  
皆新調名

又和令狐

僕射小飲聽阮咸詩曰掩抑復淒清非琴不是箏還彈

樂府曲別占阮家名 宋蘇軾宋叔達家聽琵琶詩曰

數絃已品龍香撥半面猶遮鳳尾槽新曲翻從玉連瑣

舊聲終愛鬱輪袍夢回只記歸舟字賦罷雙垂紫錦絛

何異烏孫送公主碧天無際鴈行高 元周權次韻馮

仲遠聽鄰舟孟監州琵琶詩曰漢東傑客老監州雲夢

胸中吐奇崛春風斗酒忽解后暮雨扁舟談激烈酒酣

古調手自傳，鵲絃撼動龍香撥。抑揚按節氣雄放，清度  
回飈激林樾。迢迢訴盡出關情，漢宮往事孤鴻滅。黃雲  
萬里絕音塵，馬上誰能記烏咽。新聲洗盡鬱輪袍，清和  
扣絃歌間發。曲終一笑兩茫然，江水泠泠滿襟雪。明  
高啓夜飲丁侃宅聽琵琶詩曰：江水未出明星懸，主人  
飲客夜不眠。坐呼伶兒撥四絃，龍頭高燃玉軫圓。轉關  
未奏，護索先勞嘈咽切。斷復連，澀如清澗溜凍泉。細若  
碧樹吟秋蟬。忽然繁急何轟闐，風沙滿把撒四筵。鴈行

驚起飛不聯浮雲落葉俱綿綿一聲抹斷萬里烟夢入  
紫塞愁遙天

原賦晉孫該琵琶賦曰惟嘉桐之竒生於丹澤之北垠  
下脩條而迴固上糾紛而干雲開黃鍾以挺榦表素質  
於蒼春然後託乎公班妙意橫施四分六合廣袤應規  
迴風臨樂刺飾流離絃則岱谷縈絲篴貢天府伯竒執  
輓杞妻抽緒大不過宮細不過羽清朗緊勁柔而不茹  
伶人鼓焉景響豐碩操暢駱驛遊乎風颺抑揚按捺拵



搗摧藏於是酒酣日晚改為秦聲壯諒抗懷土風所生  
延年度曲六彈俱成絀邪存正疏密有程離而不散滿  
而不盈沈而不重浮而不輕綿駒遺謳岱宗梁父淮南  
廣陵郢都激楚每至曲終歌闋亂以衆契上下奔騖鹿  
奮猛厲波騰雨注飄飛電逝 成公綏琵琶賦曰八音  
之用誦于典藝蕭韶九奏物有容制惟此琵琶興自末  
世爾乃託巧班輸妙意橫施因形造美洪殺得宜柄如  
翠虬之仰首盤似靈龜之背觴臨樂則齊州之丹桂拊

柱則梁山之象犀挽以玳瑁格以瑤枝若夫盤圖合靈  
太極形也三材片合兩儀生也分柱列位歲數成也回  
憲華表日月星也 傅玄琵琶賦曰素手紛其若飄兮  
逸響薄於高梁弱腕忽以競騁兮象驚電之絕光飛纖  
指以促柱兮創發越以哀傷時旃擗以劫蹇兮聲皦耀  
以激揚啓飛龍之祕引逞奇妙於清商哀聲內結沈氣  
外澈舒誕沈浮徊翔曲折 唐薛收琵琶賦曰惟茲器  
之為宗總羣樂而居妙應清角之高節發號鍾之雅調

處躁靜之中權執疎密之機要過浮雲而散彩揚白日  
以垂耀爾其狀也龜腹鳳頸熊據龍旋戴曲履直破觚  
成圓虚心內受勁質外宣磅礴象地穹崇法天候八風  
而運軸感四氣而鳴絃金華徘徊而月照玉柱的歷以  
星懸虞世南琵琶賦曰尋斯樂之惟始乃絃鼓之遺  
事強秦創其濫觴盛漢盡其深致爰有達人演茲奇器  
參古今而定質擬神明而攄思慰遠嫁之羈情寬絕域  
之歸志既而班爾運能鈞繩相設求嘉木於五嶺取殊

材於九折折文梓以縱分割香檀而橫列木瓜貞栢盤  
根錯節或散錦而花開或絲縈而綺結徒觀其為狀也  
則衆形斗極殊姿巧製隨良璞之修短任規模之巨細  
既異材而合體亦利方而就銳惟適道以從宜故無取  
乎凝滯若乃聲備角商韻包宮羽橫却月於天漢寫迴  
風於洛浦始聞絃之既調乃長弄而徐撫應緩步之疎  
節隨輕身之妙舞悲紫塞之昭君泣烏孫之公主季倫  
觀金谷之宴仲容暢竹林之聚宛如長河草綠高樓月

下入小苑而看花游上蘭而藉野泛澄波而轉鷁息長  
松而繫馬臨清流而揮絃與殊方而俱寫音則抑揚嘈  
噴聯綿斷續紆餘雙鶴之吟清壯三秦之曲望高山之  
遙翠見西河之始綠

御定淵鑑類函卷一百八十九

謹案卷一百八十八第三十頁前二行石臧前鏡

按石字疑訛

第三十一頁後二行大絃春溫和且平小絃廉折  
亮以清刊本春訛清廉訛簾據前文改

卷一百八十九第十七頁後三行足使遊客戀國  
刊本遊客訛客遊按客遊與下壯士不對據賦  
彙改

第二十一頁後五行葉落依枝刊本枝訛依據續

齊諧志作依枝改





總校官庶吉士臣張能照

校對官庶吉士臣陳宗本

校對官檢討臣王福清

謄錄監生臣王詔

謄錄監生臣閻學澄



欽定四庫全書薈要

子部

御定淵鑑類函卷一百九十

欽定四庫全書薈要卷一萬一千六百三十八

子部

御定淵鑑類函卷一百九十

樂部七

簫

笙

簧

笛

管

竽

篪

簫

茄

簫一

原擇名曰簫肅也其聲肅肅而清也

古之善吹簫有

秦女弄玉僊人蕭史

見列仙傳

漢元帝

能洞簫見漢書

靈帝

見謝承後漢書

爾雅曰大簫謂之言小者謂之箛

詩曰既備乃奏

簫管備舉嗶嗶厥聲肅肅和鳴

尚書曰簫韶九成鳳

鳳來儀 禮記曰仲夏之月命樂師均管簫參差之音

又曰從以簫管 增周禮春官小笙師曰小笙師掌

吹簫 易說曰夏至之樂補以簫簫長尺四寸 春秋

說曰夏至作樂間簫笙 原三禮圖曰雅簫長尺四寸

二十四強頌簫長尺二寸十六強 又曰無底者謂之

洞簫 博雅曰簫大者二十四管無底小者十六管有

底 五經通義曰編竹為之長尺有五寸 蔡邕月令

章句曰簫長則濁短則清以蠟蜜實其底而增減之則

和管而成音定無所復調當與琴瑟相參 增漢志孔

光奏曰簫工員一人不可罷 隋志曰簫竹之屬十六

管長二尺 原莊子曰南郭子綦謂顏成子游曰汝聞

人籟而未聞地籟汝聞地籟而未聞天籟

郭象注曰  
籟簫也

白虎通曰簫者中呂之氣也 增秦子曰一人吹簫長

短皆應 原丹陽記曰江寧縣南四十里慈母山積石

臨江生簫管竹王褒洞簫賦所稱即此也其竹圓緻異

於衆處自伶倫採竹嶰谷其後惟此簫見珍故歷代常

給樂府而俗呼曰鼓吹山 尋陽記曰廬山西南有康

王谷又北頌城每天欲雨輒聞鼓角簫笳之聲 增文

獻通考曰唐樂圖所傳之簫凡十八管取五聲四清倍

音通林鍾黃鍾二均聲而梁部用之 又曰景祐樂記

教坊所用之簫凡十七管一感篳十字記其聲然清樂

所用十七管其聲法不同故並存之宋樂有唱簫各二

人和簫十人亦一時制也 陳氏樂書曰荀卿云鳳凰

于飛其翼若干其聲若簫蓋簫之為器編竹而成者也

長則聲濁短則聲清其狀鳳翼其音鳳聲中呂之氣夏至之音也 玉海曰皇祐二年教習音律所言奉詔依樂書造洞簫成詔令與底簫並用 續文獻通考曰金太廟登歌簫二宮縣樂簫十有司攝祭宮縣簫八 又曰元簫制如笛五孔排簫編竹為之十六管濶尺有五分黑搶金鑿鳳為飾鑰石釘鉸以黃絨紉維於人項左右復紅絨條結 又曰明製簫式以竹為之長一尺九寸五分管圍三寸管上開竅名曰山口吹竅前五孔後

一孔南雍志音樂考云吹法氣麤則聲大而滯氣緩則聲啞而散吹噓勻則聲雅而澹空下一孔則為四為大按後一孔則為工為哉按上二孔則為尺為宣空下三孔則為上為聖餘倣此

簫二

增通禮義纂曰伏羲作簫十六管 事始曰女禍造簫  
呂氏春秋曰黃帝命伶倫為律伶倫制十二簫聽鳳  
鳥之鳴以別十二律以比黃鍾之宮故黃鍾宮律之本

也高誘曰六律六呂各有管故曰十二簫

原風俗通曰按舜作簫其形

參差象鳳翼十管長三尺傳子曰馬先生能使木人

吹簫比妙般輸墨翟曰不劣古矣列仙傳曰簫史者

秦穆公時人善吹簫能致孔雀白鶴穆公女弄玉好之

公妻焉乃教弄玉作鳳臺一旦夫妻同隨鳳飛去故秦

人作鳳女祠于雍宮世有簫聲云呂覽曰客有以吹

簫見越王者上下宮商和而越王不善也或為之野音

而王反悅之亦有如此者要在聽之而已史記曰周



勃常為人吹簫給喪事 漢書曰元帝多材藝吹洞簫

自度曲被歌聲 又曰元帝為太子體不安善忘不樂

詔使王褒等之太子宮讀誦奇文字太子善褒洞簫賦

令後宮讀頌之 段龜龍涼州記曰呂纂咸寧三年人

發張駿冢得玉簫 增江表傳曰孫權攻合肥不下而

還休兵皆上道權與呂蒙等在後魏將張遼奄至鼓吹

驚怖不能復鳴簫唱甘寧拔刀欲破之于是始作之

文獻通考曰唐明皇天寶中安祿山自范陽入覲獻白

玉簫管數百陳于梨園 又曰唐李沖所傳之簫凡二

十三管雖制作不同亦一時之制也 續文獻通考曰

元憲宗二年八月樂工李明昌許政等五十人見於行  
宮明昌等各執簫笛等于帝前奏之曲終復令奏之凡  
三終

### 簫三

原七數

九成

易通卦驗夏至之樂以簫鄭玄注曰簫亦管也形似鳳翼翼鳳火禽也火數七夏

時又火用事

下詳前一

帶牙

編竹

上見王褒洞簫賦 下詳前一

象鳳

致鶴

並詳前二

魚瞰

鳳飛

上見王褒洞簫賦下詳前二

薊宅

張

墓

葛洪神仙傳薊子訓少嘗仕郡人莫知其道三百餘年容色不老及死殯之宿昔棺鞠然作電雷音光照

宅宇見棺蓋飛在庭中棺內無復人但餘履耳須臾聞陌上有人馬及簫鼓聲下詳前二

越宮

吳市

上詳前二史記伍子胥鼓腹吹簫乞食吳市中

君子聽

玉女吹

見上樂總一樂府詩玉女坐吹簫

折楊柳

采竹簫

短簫有折楊柳之曲慈母山

詳前一

武若雷霆

仁若凱風

並詳王褒洞簫賦

增鳳管

鶴乘

洞冥記帝嘗夕東望有青雲焉俄見雙鵠集于臺上有頃化為神女舞于臺下握鳳管之簫天中

記唐武后謂張昌宗為王子晉後身使被羽衣吹簫乘鶴徘徊度中如仙去狀

善應

交鳴

陳氏樂書簫尺四寸者二十四管無底而善應故謂之  
簫尺二寸者十二管有底而交鳴故謂之笑蓋應十二  
律正倍  
之聲也

### 細器

### 餘音

孔帖書注云見細器  
之備下詳前二

### 通五均

### 凡三種

文獻通考譙樂之簫凡二十一管具正均七  
聲左清倍右濁倍通五均焉世俗之樂也

又曰景祐樂記十三管之  
簫凡三種鼓吹部用之

### 絨縈結

### 綬帶垂

元排簫  
詳前一

續文獻通考元雲和部有簫管四斷竹為  
之長尺有四寸七孔亦號長笛有綬帶下垂

### 聲所由

### 生管置不用

文獻通考舜作十管簫長尺二寸所以  
應古之數聲之所由生也又曰郭璞

大簫二十三管小簫十六管蓋二十四管備律呂清濁  
之聲先王之制也十六管兼十二律四清而為之豈古  
制哉今教坊所用長五六寸十六管有  
底而四管不用非古人制作之意也

### 比竹而成

# 單吹之樂

又曰郭璞謂簫一名籟廣雅亦曰籟謂之簫蓋簫籟比竹而成聲猶夫天地之籟籟風竅

而怒號也

又曰短簫饒歌單吹鼓吹之樂也廣樂記

有二十一管簫羽葆饒吹橫吹部用之豈短簫歟其曲

有悲思翁父如張上之回戰城南玄雲朱鷺之類是也

何承天謂黃帝使岐伯作之以揚德蓋有所受歟崔豹

古今注漢樂有黃門鼓吹天子所以燕樂羣

## 五聲四

臣短簫饒歌鼓吹之樂亦以賜有功諸侯也

## 清 七音三倍

上詳前一 文獻通考二十一管簫取七音而三倍之邇茲部所用

## 簫四

原詩梁劉孝儀詠簫詩曰危聲合鼓吹絕弄混笙篳管

饒知氣促釵動覺脣移仙史安為貴能令秦女隨 增

梁張嶠短簫詩曰促柱絃始繁短簫吹初亮舞袖拂長

席鐘音由簾颺已落簷瓦間復繞梁塵上時屬清夏陰

恩暉亦非望 唐李嶠詠簫詩曰虞舜調清管王褒賦

雅音參差橫鳳翼搜索動人心 宋梅堯臣聽文都知

吹簫詩曰虞舜已去蒼梧野秦女參鸞無復下簫管人

間不解傳帝樂部中能亦寡欲買小鬟試教之教坊供

奉誰知者晏識文公始致來勸接賤生宜強且乃呼側

坐吹一曲驚顧頓嘶堂下馬吾妻閨中聞不聞稚女扳

簾笑嬌托未敢多聽便遣還贈飲單盃向身瀉  
元郭  
鈺無題詩曰游絲風煖颭飛花窈窕簫聲隔彩霞畢竟  
神仙難換骨自分丹火煮胡麻

原賦漢王褒洞簫賦曰原夫簫簞之所生出於江南之  
丘墟洞條暢以罕節標數紛以扶疎徒觀其傍山側則  
嶮嶽歸崎倚巖迤嶓誠可悲乎其不安也彌望儻莽連  
延曠蕩又足樂乎其敞閒也託身軀於后土經萬世而  
不遷翔風蕭蕭經其末迴江流川漑其山朝露清冷而

隕其側玉液浸潤而承其根孤雌寡鵠娛優乎其下春  
禽羣嬉翱翔乎其巔秋蛸不食抱璞而長吟玄猿悲嘯  
搜索乎其間惟詳察其素體兮宜清靜而弗喧幸得謚  
為洞簫兮蒙聖主之渥恩可謂惠而不費兮因天性之  
自然於是般匠施巧夔襄準法帶以象牙搃其會合若  
乃徐聽其曲度兮廉察其賦歌啾必噉而將吟兮行鏤  
鉦以和囉風洪洞而不絕兮優嫖嫖以婆娑翩綿連以  
牢落兮漂乍棄而為它要復遮其蹊徑兮與謳謠乎相



和故聽其巨音則周流汎濫并包吐含若慈母之畜子

也其妙聲則清靜厭應

於計反

順叙卑迭若孝子之事父

也科條譬類誠應義理澎淟慷慨一何壯士優柔溫潤

又似君子故其武聲則若雷霆較鞫佚豫以沸渭其仁

聲則若凱風紛披容與而施惠或雜還以聚斂兮或拔

擻以奮棄悲愴怳以惻愾兮時恬淡以綏肆被淋灑以

靡靡兮時橫潰以陽遂哀悁悁之可懷兮良醺醺而有

味故饗饗者聽之而庶隅狼戾者聞之而不對剛毅強

賦反仁思兮嘽唌逸豫戒其失鍾期牙曠悵然而愕立  
杞梁之妻不能為其氣師襄嚴春不敢竄其巧兮浸淫  
叔子遠其類嚚頑朱均惕復慧兮桀跖鬻博偪以頓悴  
吹參差而入道德兮故永御而可貴或留而不行或行  
而不留悼悵瀾漫亡耦失疇故知音者樂而悲之不知  
音者怪而偉之故其為悲聲則莫不愴然累歎撇涕拭  
淚其奏懽娛則莫不憚漫衍凱阿那瘰癧者已是以蟋  
蟀尺蠖跂行喘息魚瞰雞睨垂喙宛轉瞪眴忘食況感

陰陽之和而化風俗之倫哉 增唐人洞簫賦曰南國

之紀兮江水深中巖嶽兮天姥岑試一望兮見簫莞參

差碧雲飄其正色白日出其重陰每含和以自守雖歲

寒其莫侵于是乃使夫匠人陵畧森明幽窅攀重蘿閱

豐篠或截枝之龍質擬銜花之鳳鳥作為洞簫其聲窈

窕矇瞽之士純精所至尤澹澹兮無營浩紛紛兮縱肆

纖指敏手隨抑揚之虛滿曲折等分任吹噓而懿澤爾

其為樂也則飮羅稽詣而逸其為苦也則瀏漂冽清而

悴或嶒峿以相從復淋漓而遠被有若層山抱古而晴  
獨巨海涵虛而夕涖是以君子聽之載其平粹及乎弄  
玉既好蕭史亦出登翠檻之巍峩結紅羅之婉蔚揚葉  
鮮吹荷花浴日對吟空濶之情復感神仙之術若翔若  
止心中定矣若反若墜不遺其類趣從容以向空乍猗  
那以內闕信大雅之紆直繹茲聲之開塞匪天地兮同  
和孰能與夫偕極

笙一

原釋名曰笙生也象物貫地而生以匏為之故曰匏竽  
亦是也其中空以受簧也 說文曰笙正月之音物生

故謂之笙十三簧象鳳之聲 古之善吹笙者有王子

晉

見列仙傳周靈王太子

董雙成

見漢武內傳西王母侍者

漢桓帝

見東觀漢記

魏

杜夔

見魏志

增唐太和中尉遲章尤妙宣宗己降有

范漢恭恭子名寶師盡傳父藝今在陝州 毛詩曰我

有嘉賓鼓瑟吹笙吹笙鼓簧承筐是將 又賓筵曰籥

舞笙鼓 尚書曰笙鏞以間鳥獸蹌蹌 周官曰笙師

掌教吹笙 禮記曰絃匏笙簧會守拊鼓 又曰竹聲

濫濫以立會會以聚衆君子聽笙竽之聲則思畜聚之

臣 爾雅曰大笙謂之巢小者謂之和 鄉飲酒曰笙

入奏南陔白華 儀禮曰下管新宮笙入三成

謂三終也

原穆天子傳曰西王母吟曰吹笙鼓簧中心翔翔 增

隋志雅樂器二十匏之屬二一曰笙 唐志宮懸登歌

樂器七曰匏為笙為竽為巢大笙也為和小笙也 原

白虎通曰笙之言施也牙也萬物始施而牙太簇之器

又曰笙有七政之節焉有六合之和焉天下樂之故

謂之笙 尸子曰商容觀舞墨子吹笙墨子非樂而子

樂有是也 增劉子隨時曰墨子儉嗇而非樂者往見

荆王衣錦吹笙非苟違性隨時好也 又專學曰奕秋

通國之善奕也當奕之時有吹笙過者乍而聽之則奕

敗矣非奕道暴深情有暫闇笙猾之也 文獻通考曰

唐九部樂有胡蘆笙宋至道初西南蕃諸蠻入貢吹瓢

笙豈胡蘆笙耶 陳氏樂書曰古者造笙以曲沃之匏

汝陽之篠列管匏中而施簧管端則美在其中鐘而為  
宮蓋所以道達沖氣律中太簇立春之音也 續文獻

通考曰遼大樂器有大笙小笙 又曰金太廟登歌樂

器巢笙二和笙二宮縣樂器巢笙竽笙各十有司攝祭

宮縣巢笙竽笙各八 又曰元巢笙和笙皆十九簧以

斑竹為之登歌用巢笙四宮縣用巢笙十和笙宮縣不

用惟登歌則用四 又曰明笙式以紫竹為之簧用響

銅薄片鵲舌尖頭



笙二

原世本曰隨作笙 禮記曰女媧之笙簧 說文曰舜

祠之下得笙白玉為管 列仙傳曰王子喬者周靈王

太子也好吹笙作鳳鳴遊伊雒間道士浮丘公接以上

嵩高山 魏志曰杜夔字公良為協律都尉文帝令夔

于賓客中吹笙鼓琴夔有難色遂黜免 增武夷山誌

曰武夷君命宋小娥運居巢即大笙也 續仙傳曰謝

元卿遇神仙吹叢霄之笙 陳氏樂書曰宋李照作巢

笙合二十四聲以應律呂正倍之聲作和笙應笙等合  
清濁之聲又自制大笙上之太樂今太常笙濁聲十二  
中聲十二清聲十二俗呼為鳳笙孟蜀王所進樂工不  
能吹雖存而不用 玉海曰景德二年修樂器舊制巢  
笙和笙每變宮之際必換義管然難于遽易樂工單仲  
辛遂改為一定之制不復旋易與諸宮調皆協 續文  
獻通考曰遼太宗天顯三年唐遣使進紅牙笙 又曰  
元中統間回回國進興隆笙以竹為簧有聲無律玉宸

樂院判官鄭秀乃考音律分定清濁

笙三

原珠垂

玉振

潘岳笙賦明珠在味若銜若垂王廙賦金清而玉振

離鴻

別鶴

潘岳笙賦悽唳辛酸嚶嚶闕闕若離鴻之鳴子也王廙賦親眺遠遊登山送離發千里之長思詠

別鶴于

通氣

和神

蔡邕月令章句季秋之月上丁入學習吹所以通氣也管簫笙

路岐

芋墳麓皆以吹鳴者也

下詳前二

達陰陽

移風俗

邯鄲綽五經折疑夫笙者法萬

物始生導達陰陽之氣故有長短黃鍾之始象法鳳皇

王廙笙賦直而不倨曲而不排疏音簡節樂不乃妙

足可以易俗移風興洽至教弘義著于典謨兮歷萬代而彌劬

間鏞

同磬

尚書堯典笙鏞

以間詩

笙磬同音

雅簧

名器

三禮圖笙有雅簧十三上六下七王歆之與謝安書知

君嘗得小笙是名器今見者皆不以為佳恐是不能識也

增鳳巢

鵝管

宋陳氏樂書笙

為樂器其形鳳翼其聲鳳鳴簧謂之巢以衆管在匏有鳳巢之象也唐李賀詩王子吹笙鵝管長

紅

牙

紫竹

上遼事詳二下明笙式詳前一

七星

九曜

續文獻通考金太廟

登歌樂器有七星匏一九曜匏一閏餘匏一元七星星匏一七簧閏餘匏一三簧九曜匏一九簧俱以斑竹為之

義管

閏餘

文獻通考宋朝大樂所傳之笙並十七簧舊外設二管不定置謂之義管每變

均易調則更用之下詳九曜七星注

母匏

合竹

宋陳氏樂書匏之為物其性輕而浮其中

虛而通笙則以匏為母象植物之生焉又曰國語云匏竹利制蓋匏竹相合而成聲得清濁之適故也

曲沃匏 汝陽篠

並詳一

笙四

原吐鳳音

張衡道遙賦王  
子喬吐鳳音

作鳳鳴

列仙傳  
事詳二

錦衣吹

見上  
笙一

赤衣吹

淮南子孟夏之月居  
南宮衣赤采吹笙

桓帝善笙

見上  
笙一

鳳凰吹

曹植樂賦烏鳥  
起舞鳳凰吹笙

丹蛟吹

傅玄西都賦列仙  
逸唱熊虎曉音丹

蛟吹笙文  
豹鼓琴

赤松吹笙

王廙洛  
都賦

增飄飄伊洛

南史謝  
恂傳謝

孺子宴少與族兄莊齊名多藝能尤善聲律王或孺子  
姑之子也嘗與孺子登桐臺孺子吹笙或起舞旣而歎  
曰今日真使人飄  
飄有伊洛間意  
十五愛吹  
唐李白詩仙人十五愛  
吹笙學得崑丘彩鳳鳴

# 十二月笙

文獻通考後周鄭譯獻新樂十二月各一笙每笙十六管總一百九十二管斛斯證

曰既無相生之理又無還宮之義深恐鄭聲亂雅未合古制竊謂不可帝納之

## 十七管笙

又曰

唐樂圖所傳十七管之笙通黃鍾二均聲清樂用之

## 十二管

又曰唐樂圖所傳十二管之笙譙樂

之用之

## 笙五

原詩梁陸罩詠笙詩曰管清羅袖拂響合絳唇吹人情  
應節轉逸態逐聲移所美周王子弄羽一參差 沈約  
詠笙詩曰彼美實枯枝孤篠定參差鴟雞已嘲噉棗下

復林離本期王子宴寧待洛濱吹 唐楊師道詠笙詩

曰短長插鳳翼洪細摹鸞音能令楚妃歎復使荆王吟  
切切孤竹管來應雲和琴 增唐李嶠詠笙詩曰懸匏

曲沃上孤篠汶陽隈形寫歌鸞翼聲隨舞鳳哀歡娛分  
北里純孝即南陔今日虞音奏蹒蹒鳥獸來 劉希夷

嵩岳聞笙詩曰日出嵩山東月明山益空山人愛清景  
散髮卧秋風風止夜何清獨夜草蟲鳴仙人不可見乘  
月近吹笙絳唇吸靈氣玉指調真聲真聲是何曲三山

鸞鶴情昔去落塵俗願言聞此曲今來卧嵩岑何幸承  
幽音神仙樂吾事笙歌銘夙心 劉禹錫秋夜安國觀

聞笙詩曰織女分明銀漢秋挂枝梧葉共颼颼月露滿  
庭人寂寂霓裳一曲在高樓 卽士元聽隣家吹笙詩

曰鳳吹聲如隔絳霞不知牆外是誰家重門深鎖無尋  
處疑有碧挑千萬花 鍾輅緱山月夜聞王子晉吹笙

詩曰月滿緱山夜風傳子晉笙初聞盈谷遠漸聽入雲  
清香異人間曲遙分鶴上情孤鸞驚欲舞萬籟寂無聲



此夕留煙駕何時返玉京唯愁音響絕曉色出都城  
李商隱銀河吹笙詩曰悵望銀河吹玉笙樓寒院冷接  
平明重衾幽夢他年斷別樹羈雌昨夜驚月掛故香因  
雨發風簾殘燭隔霜清不須浪作緱山意湘瑟秦簫自  
有情

原賦晉潘岳笙賦曰河汾之寶有曲沃之懸匏焉鄒魯  
之珍有汶陽之孤篠焉若乃綿蔓紛敷之麗浸潤靈液  
之滋固衆作者之所詳余可得而略之徒觀其制器也

則審洪纖面短長劇生斡裁熟簧設宮分羽經徵列商  
基黃鍾以舉韻望儀鳳以擢形寫皇翼以插羽摹鸞音  
以厲聲於是乃有始泰終約前榮後悴激憤於今賤永  
懷乎故貴衆滿堂而飲酒獨向隅而掩淚援鳴笙而將  
吹先嗚噓以理氣或案衍夷靡或竦勇剽急或既往不  
返或已出復入徘徊布濩渙衍茸蘢舞既蹈而中輟節  
將撫而弗及輟張女之哀彈流廣陵之名散詠園桃之  
天天歌棗下之纂纂歌曰棗下纂纂朱實離離宛其落

矣化為枯枝人生不能行樂何以虛謚為爾乃引飛龍  
鳴鵠雞雙鴻翔白鶴飛子喬輕舉明君懷歸荆王喟其  
長吟楚妃歎而增悲新聲變曲奇韻橫逸縈纏歌鼓網  
羅鐘律爛熳燐以放豔鬱蓬勃以氣出秋風詠於燕路  
天光重乎朝日大不踰宮細不過羽唱發章夏導揚韶  
武協和陳宋混一齊楚邇不逼而遠無攜聲成文而節  
有叙王廙笙賦曰其制器也則取不周之竹曾城之  
匏生懸崖之絕嶺邈崖宰以崇高延脩頸以亢首厭瑤

口之陸離舞靈蛟之素鱗銜明珠於帶垂弱舌紙薄鉛  
錘內藏合松蠟以密際揉彤丹以發光 夏侯惇笙賦  
曰嗟萬物之殊觀莫比美乎音聲總衆異以合體匪求  
一以取成雖琴瑟之既麗猶靡尚於清笙爾乃採桐竹  
剪朱密摘長松之流肥咸崑崙之所出抑揚噓吸或嘔  
或吹摩拈挹按同覆互移初進飛龍重繼鷗雞振引合  
和如潰如離若夫纏綿約殺足使放達者循察通豫平  
曠足使廉規者棄節冲靈冷淡足使貪榮者退世開明

爽亮足使慢情者進竭豈衆樂之能倫邈竒特而殊絕

陳顧野王笙賦曰聲流洛渚器重汾陽協歌鐘於宿

夕詠月扇於遠梁同離鴻於流徵會別鶴於清商 增

唐李百藥笙賦曰婉婉鴻驚喑喑鳳鳴或萬殊而競響

乍孤轉而飛聲清則混之而不濁濁則澄之而不清實

當無而應有因虛受而徐盈舄奕多緒紛綸難狀抑之

則徘徊綿密申之則散朗寥亮始掩歛以夷靡終優游

以怗悵隨流涕而煦愉應徵羽而悽愴挫玉簫之清管

息瓊篁之虛唱落遺轉于梁間墜纖腰於掌上既而重  
門半掩高宴將終飄餘音于霄漢遏嬌韻于房櫳遠而  
聽之若遊鴛翔鶴嘹唳飛空近而察之譬瓊枝玉樹響  
亮從風信絕俗之神解何變態之無窮

增頌元王禕興龍笙頌并序曰惟世祖皇帝統一函夏  
功成治定乃肇置大樂以用諸朝廷其器有曰興龍笙  
者實上所自作或曰西域之所獻而天子加損益焉者  
也其制為管九十列為十五行每行縱列六管其管下

植于匱中而匱後鼓之以鞀自匱足至管端約高五尺  
仍鏤板鳳形繪以金采以圍管之三面約廣三尺加文  
飾焉凡大朝會則列諸軒陛之間與衆樂並奏每用樂  
工二人一以按管一以鼓鞀以達氣出聲以叶衆音而  
樂之奏成矣其制之宏鉅厯古所無誠足以章顯功德  
垂諸永世而學士大夫顧未嘗摘藻挾辭以形容盛美  
非闕典歟臣愚不揣微賤輒為之頌雖不敢擬諸時邁  
執競桓賚之列盖庶幾漢世樂府之遺意焉其詞曰巍

巍聖元龍興朔土於皇世皇誕統區宇南諧北燮東賓  
西旅聿昭聖文丕布神武寶厯是膺玉燭爰撫德龐功  
隆超軼今古乃章功德乃立樂府乃作雅笙厥制惟鉅  
嶰谷掄材后夔審矩列管九十如簫斯監管以匱植匱  
由鞀鼓鞀動氣應手按聲吐挹拊擗掄牽連絡組高五  
尺餘廣三尺許黃鍾本宮蕤賓叶呂清不過商細不逾  
羽驚聲振厲鳳韻紆紆妙音之達蕭寥容與有如臣子  
仰事君父巨聲之暢雄混包溥有如圓穹覆冒海寓抑



揚合調開闔諧譜唱和章夏導揚韶獲大音斯完神人  
樂胥王會之辰穆穆帝所天臨黼座雲映華籞仙仗既  
班大樂爰舉朱干玉戚崇牙龍虛鐘鏞瑟琴亦有祝故  
於維茲笙獨貫樂部鈞天普奏九成咸序四靈畢來百  
獸率舞陋哉斯制哇哩淫蠱笙篴簞簞於律何取侯今  
之制孰盛敢伍微臣作頌適配有瞽於萬斯年仰憲皇  
祖

簠一

增說文曰簧笙中簧也女媧作管中金鑠 詩曰吹笙  
鼓簧 三禮圖曰雅簧上下各六 文獻通考曰唐樂  
圖簧以線為首尾直一線一手貫其紐一手鼓其線橫  
如口中呼吸成音直野人之樂耳 又曰民間有鐵葉  
簧削銳其首塞以蠟蜜橫之於口呼吸成音豈簧之變  
體歟

## 簧二

原女媧作

飛瓊鼓

世本宋均注云女媧黃帝臣也 下見上樂總一

君子

執

樂師調

詩君子陽陽左執簧右招我由房其樂只且禮記月令仲夏之月命樂師調笙簧

作鏐

裁銅

上說文詳一潘安仁笙賦裁熟簧注云以熟銅為之

巧言

並坐

詩巧言如簧又曰並坐鼓簧

在口

發唇

蔡邕賦古在口而為簧陸雲詩鳴

簧發丹唇朱絃繞素腕

舒夏

得友

楚詞願假簧以舒夏書簧為結約夢得簧者得

賢友也

增為節

振幽

文獻通考急就章云菰荻起居課後先言菰簧及荻為作休之

節韻書以振幽簧簧在笙內故曰振幽

澀銀

隔水

宋黃庭堅詩吹笙無伴澀銀簧杜

甫詩疎松隔水奏笙簧

鐵葉

蠟口

並詳前一

簧三

原十三

禮記注云笙十三簧

十九

爾雅大者十九簧

瑤池鼓簧

見上笙一

鵠天子傳

石室鼓簧

神仙傳王遙入石室發篋有五舌簧三枚遙自取一枚以二枚與室中人

對共鼓之

增宮管在中

宋陳氏樂書月令中央土律中黃鍾之宮則樂之有簧有宮管在中

也

有笙中簧非笙中簧

又曰莫非簧也有笙中之簧有非笙中之簧鹿鳴吹笙鼓

簧莊子言簧鼓笙中之簧也君子陽陽左執簧巧言曰巧言如簧非笙中之簧也

笛一

增釋名笛滌滌然也

說文曰七孔笛也羌笛三孔

原廣雅曰簫謂之笛有七孔

笛之所出有雲夢之竹

見魏文與  
吳質書

衡陽之幹

見宋玉  
笛賦

柯亭之竹

見伏滔長  
笛賦序

古之

善吹笛者有馬融

見融  
自序

遊楚

見魏  
志

宋褱

見世  
說

子野及奴

顧

見語  
林

曲名有折楊柳梅花落等

增唐開元中有李

謨獨步於當時大中以來有王六六王師簡亦妙手也

見樂府雜錄  
及文獻通考

後世有長笛有短笛有義觚笛義觚笛

如橫笛而加觚西涼樂也

見考  
索

原晉書云按周禮金

石有一定之音故諸音皆受鐘磬之均至於饗宴殿堂  
之上不懸鐘磬則以笛有一定之調故諸絃歌皆從為

正也 增隋志雅樂器竹之屬三曰笛 唐志宮懸登

歌樂器八曰竹為笛 原風俗通曰笛武帝時丘仲所

作也

按宋玉有笛賦玉在漢前恐此說非也又馬融長笛賦云近代雙笛從羌起

笛滌也所

以滌邪穢納之雅正也長尺四寸七孔 增樂纂曰司

馬法軍中之樂鼓笛為上使聞之者壯勇絲竹不可用也慮悲感人士率思歸之故也 甘澤謠曰唐樂工許

雲封工笛自云學於外祖李牟貞元初韋應物為和州牧語之曰我有乳母子名千金天寶中受笛李供奉藝

成身死舊吹之笛李君所賜也遂囊出舊笛雲封跪捧  
悲切撫而觀之曰信是佳笛但非外祖所吹者乃謂韋  
公曰竹生雲夢之南鑒在柯亭之下以今年七月望前  
生明年七月望前伐過期不伐則其音實未期而伐則  
其音泛泛者外澤中乾乾者受氣不全則其竹天凡發  
揚一聲出入九息古之至音者一疊十二節一節十二  
敲今之名樂也至如落梅流韻感金谷之游人折柳傳  
情悲玉關之戍客誠有清響異音非至音無以降神而

祈福也其已天之竹遇至音必破所以知非外祖所吹者韋公曰欲信汝鑒笛破無傷雲封乃捧笛吹六州變一疊未盡劃然中裂韋公驚歎久之遂禮雲封於曲部續文獻通考曰遼大樂器有長笛尺八笛短笛又曰遼散樂以三音該三才之義四聲調四時之氣應十二管之數截竹為四竅之笛以叶聲音而被之絃歌三音天音揚地音抑人音中皆有聲無文四時春聲曰平夏聲曰上秋聲曰去冬聲曰入又曰金太廟登歌樂



器笛二宮懸樂笛十有司攝祭宮懸笛八 又曰元羌  
笛制如笛而長三孔龍笛制如笛七孔橫吹之管首制  
龍頭銜同心結帶

笛二

增史記曰黃帝使伶倫伐竹於崑谿斬而作笛吹之作  
鳳鳴 原伏滔蔡邕長笛賦序曰余同僚桓子野故有  
長笛賦傳之者艾云蔡邕之所作也初邕避難江南宿  
於柯亭柯亭之館以竹為椽仰而盼之曰良竹也取以

為笛奇聲獨絕歷代傳之

魏略曰游楚好音樂畜笛

每持以自隨

續搜神記曰合肥口有一大白船覆在

水中云是曹公船嘗有漁人夜宿以船繫之聞箏笛

絃節之音漁人夢人驅遣云勿近官妓此人驚即移去

相傳云曹公載妓船覆於此猶存焉 晉中興書曰帝

舅王愷嘗置酒王導王敦俱往女伎吹笛小失聲愷怒

便令黃門毆殺之一坐改容敦神色自若 傅子曰列

和善吹笛吳姬之聲無以加也 世說曰王子猷聞桓

子野善笛而不識遇桓于岸上過船中客有識之者云  
此是桓子野王便令人與相問聞君善吹笛試為我一  
奏桓爾時已貴顯素聞王名即便廻下車踞胡牀為作  
三調弄畢便去客主竟不交言 俗說曰宋禕是石崇  
伎綠珠弟子有國色善吹笛後在晉明帝宮帝疾患危  
篤羣臣進見請出宋禕時朝賢悉見帝曰卿諸人誰欲  
得者衆人無言阮遙集時為吏部尚書對曰願以賜臣  
即與之 又曰謝仁祖妾阿妃有國色善吹笛謝死阿

妃誓不嫁郝曇時為北中郎設權計遂得阿妃為妾阿  
妃終身不與曇言 幽明錄曰永嘉中太山民巢氏先  
為相縣令居在晉陵家婢採薪忽有一人追隨婢還家  
不使人見與婢宴飲輒吹笛而歌歌云閒夜寂已清長  
笛亮且鳴若欲知我者姓郭字長生 增文獻通考曰

天寶中明皇命紅桃歌貴妃梁州曲親御玉笛為之倚  
曲 唐志曰寧王善吹橫笛 唐書曰文宗時朝霞以  
善吹笛進上為新聲雅樂朝霞能承意變聲頗符上旨

由是有寵 唐國史補曰李舟好事嘗得村舍煙竹截

以為笛堅如鐵石以遺李牟牟吹笛天下第一月夜泛

江與舟吹之寥亮逸發俄有客立于岸呼船請載既至

請笛而吹其聲清壯山石可裂及入破呼吸盤辟應指

粉碎客散不知所之舟著記疑其蛟龍 又曰李牟秋

夜吹笛于瓜洲舟楫甚隘初發調羣動皆息及數奏微

風颭然而至俄頃舟人賈客有怨嗟悲泣之聲 青瑣

高議曰范敏下第往鄆州訪故人暑月夜行至一田舍

遇一婦人自稱唐莊宗內樂部笛首為敏吹笛敏問其  
曲云名清秋月莊宗自製者也帝最愛月夜自橫笛吹  
數曲故為曲名明視之則一孤塚也 宋遯齋閒覽曰  
余靖知桂州時每至月盈之夕輒有笛聲發于林中甚  
清遠土人云聞之已數十年遣視乃自大柏木中出也  
伐取為枕笛聲如期而發公甚寶惜後數年季弟欲窮  
其怪命工解視其木紋理正如人月下吹笛象雖善畫  
者莫及重以膠合之則不復有聲 靈怪錄曰太原姚

康成奉使汧隴假邢某舊宅就寢後見三人賦詩其一  
長細而黃面多窗孔詠曰當時得意氣填心一曲君前  
直萬金今日不如亭下竹風來猶得學龍吟候曉視之  
乃見破笛一管

### 笛三

原奇寶

良幹

宋玉笛賦芳林皓幹有奇寶兮博人通明樂斯道兮李尤笛銘刻削長幹三

孔脩長流離浩蕩壯士抑揚

昭華琯

柯亭竹

西京雜記高祖初八咸陽宮周行府

庫金玉珍寶不可稱言其尤驚異者笛長二尺三寸六孔銘曰昭華之琯下詳前一

攄憤

滌邪

蔡邕鼓師賦夫何蒙昧之聾兮心窮忽以鬱伊目冥冥而無瞭兮嗟懷煩以愁悲撫長笛以撫憤兮

氣轟鏗而橫飛

下詳前一

諭意暢神

馬融長笛賦可以通靈感物寫神諭意致誠效

志率作興事

伏滔長笛賦雲禽為之婉翼泉鱗為之躍鱗遠可以通靈達微近可以寫情暢神

激

朗清哀

馬融長笛賦彷徨縱肆曠養敞罔老莊之槩也溫直優毅孔孟之術也激朗清厲隨光之

介也

陶潛閒情賦起攝帶以伺晨繁霜粲于素階雞斂翅而未鳴遠笛出聲而清哀

雜引

奇曲

沈約宋書晉太始十年中書監荀勗中書令張華令郝玉鼓箏宋同吹笛以為雜引相和宋玉笛

賦招伯奇于涼陰追申子于晉城夫奇曲雜樂所以禁淫也錦繡黼黻所以禦暴也

寫神怡

志

上詳諭意注伏滔長笛賦達足以協德宣猷窮足以怡志保身兼四德而稱雋故名流而器珍



水龍鳴

雲禽婉

上見馬融長笛賦  
下詳暢神注

納雅正

雪垢

滓

上詳前一  
馬融長笛賦  
可以洗滌污穢深雪垢滓

離南楚

出西涼

宋玉

賦八音和調咸稟受兮善善不衰為時保兮絕鄭之遺

離南楚兮美風洋洋而暢茂兮李尤笛銘出自西涼

流離

三孔

一弄

上說文詳一  
下詳第三

長短

濁清

古歌

浩蕩

笛續短笛願陛下保壽無

合律呂

吟清商

荀勗奏

極下詳後列和合律注

鐘聲宜必合于律呂

詠新詩

吐清氣

蔡邕琴師賦  
詠新詩之悲

下見宋玉笛賦

歌舒滯積而宣鬱魏文帝

向秀聞

馬援和

向秀

詩悲箏擊新聲長笛吐清氣

賦隣人有吹笛者發音嘹唳追想疇昔遊宴之好古

今注武谿深馬援南征所作援門生袁寄生善吹笛援

作歌以和之

# 和洛客歌壯士

上見馬融長笛賦序宋玉笛賦歌壯士之必往悲

猛勇乎飄疾

# 合妙意奮玉手

又曰乃使王爾公輸之徒合妙意角較手遂以為笛

又曰延長頸奮玉手

# 京房識律

# 列和合調

京房字君明識音律舊本四孔

其一君明所加晉荀勗問列和曰若不知律呂之義作樂者均高下清濁之調當以何名之和曰每合樂時隨歌者清濁聲假聲濁者用三尺二笛因名曰此三尺二調聲清者用二尺九笛因名曰此二尺九調漢魏相傳施行皆然也

# 伐雲夢竹

# 取高遷榘

陳思王與吳季重書顧伐雲夢之竹以為

笛斬泗濱之梓以為箏

文士傳蔡邕告吳人曰吾昔嘗經會稽高遷亭見屋東間第十六竹榘可為笛取用

果有異聲

# 增霜筠

# 煙竹

樂書剪雲夢之霜筠法龍吟之異韻下李舟事詳前二

四竅七星

上遼散樂詳前一樂書六孔為笛羌人吹之七孔下調漢部用也今之七星古之

長笛一定為調合鐘磬之均各有長短應律呂之度雅樂部內咸用之也

狻臂 鶴骨 唐段

成式酉陽雜俎有人以猿臂骨為笛吹之聲清絕勝竹元薩都刺巧題百首有鶴骨笛詩詳後五

一聲數曲

唐趙嘏詩長笛一聲人倚樓人謂之趙倚樓唐元稹連昌宮詞李暮摩笛傍宮牆

偷得新翻數般曲

霜逐

風飄

古詩橫玉叫雲清似水滿空霜逐一聲飛杜甫詩風飄

律呂相和切月傍闌山幾處明

變態

異聲

樂纂唐玄宗時樂人孫處秀善吹笛好作犯聲

當時皆以為新異其聲變態日增因有犯調即今之所尚也下詳取高遠掾注

龍頭義

觚

文獻通考橫吹自北國梁橫吹曲曰下馬吹笛是也今教坊用橫八孔鼓吹世俗號為龍頭笛笛首為龍

頭綬帶下垂

下詳前一

尺八

合拱

宋洪容齊隨筆逸史云開元末一狂僧住洛南回向

寺一老僧令于房內取尺八來乃笛也謂曰汝主在寺以愛吹尺八謫在人間此常吹者也汝當回可將此付汝主僧進于玄宗持以吹之宛是先所御者呂才傳貞觀初祖孝孫增損樂律太宗詔侍臣舉善音者王珪魏徵盛稱才製尺八凡十一枚長短不同與律諧契太宗召才參論樂事尺八之所出乃見于此無由曉其形製也爾雅釋樂亦不載博異志賈客呂筠卿嘗于中春夜泊舟于君山側命酒吹笛數曲忽見一老父拏舟而來遂于懷袖間出笛三管其一大如合拱其次如常人所蓄其一絕小如細筆管筠卿請老父一吹老人曰其大者諸天之樂不可發其次者對洞府諸仙合樂而吹其小者是老身與朋儕可樂者試為子吹之不知可終一曲否言畢抽笛吹三聲湖上風動波濤沆瀣魚龍跳噴五聲六聲君山上鳥獸叫噪月色昏昧舟人大恐老

父遂

鏡湖月

洞庭波

樂府雜錄開元中李謨工笛後流落江東越州刺史皇甫

政月夜泛鏡湖命謨吹笛謨為之盡妙倏有一老父泛小舟來聽風骨冷秀政異之進而問焉老父曰某少善

此今聞至音輒來聽耳政即以謨笛授之老父始奏一聲鏡湖波浪搖動數疊之後笛遂中裂即探懷中一笛

以畢其曲政視舟下見二龍翼舟而聽老父曲終以笛付謨謨吹之竟不能聲即拜謝以求其法頃刻老父入

小舟遂失所在

下詳合拱注

西涼樂

東海龍

上考索詳一朝鮮志有玉笛長尺

有九寸其聲清亮

云海東龍所獻

折楊柳

落梅花

文獻通考大橫吹小橫吹以竹

為之笛之類也魏晉以後有折楊柳等十

四曲樂府雜錄笛尾樂也有落梅花曲

合五聲

叶六律

文獻通考後世雅笛之制非五竅而合五聲必竅而為六以叶六律傳緯有六孔之說豈雅笛

歟古者論笛之良不過衡陽之簞也故師曠得其雄宋  
意得其雌焉蓋無異于伶倫斷解谷雌雄之竹以為律

呂  
軍中樂路傍愁上司馬法詳前一小麓也梁朝歌云快馬不須鞭樂纂橫笛

拘折揚柳枝下馬吹  
橫笛愁殺路傍兒  
聽鷓鴣吹阿濫唐許渾聽吹鷓鴣詩金谷

歌傳第一流鷓鴣清怨碧雲愁夜來省得曾聞處萬里  
月明湘水流鷓鴣笛曲名賀方回長短句待月上潮

平波盪塞管  
孤吹新阿濫  
隴頭鳴孤城起文選羌笛隴頭鳴杜詩孤城笛起愁

占盡江月飛盡庭梅劉禹錫武昌老人說笛歌曰商聲五聲隨指發水中龍應

行雲絕曾將黃鶴樓上吹一聲占盡秋江月唐戎昱

聞笛詩日夜思歸切笛聲寒更哀愁人不願聽自到枕  
前來風起塞雲斷夜深明月  
開平明獨惆悵飛盡一庭梅  
師曠得雄宋意得雌

並詳合  
五聲注

# 笛四

原似龍鳴

見馬援長笛賦

類鷓鴣鳴

蔡邕琴師賦何此聲之悲痛愴然淚以隱惻類離鷓

之孤鳴起聲婦之哀泣

應律

馬融笛賦惟笛因其天姿不變其材伐而吹之其聲應律

依

律

荀勗問協律列和曰作笛惟可依十二律十二笛令一孔依一律否和曰樂廂長笛尾長四尺三寸今若

取其下徵之聲于法濁者笛當長計其尺寸乃五分有餘和昔日依之不可吹也又笛諸孔亦恐不能得一孔

應律

增偷吹玉笛

楊妃外傳明王置五王帳長枕大被與兄弟共處其間妃子無何竊

寧王紫玉笛吹故張祐詩云梨花小苑無人見偷把寧王玉笛吹

鐵笛

文獻通考鐵笛之制未知

所起今民間  
往往有之

玳瑁笛

天中記宋嘉祐中王疇欲定大  
樂嘗就成都房庶取玳瑁古笛

以校金石

傘柄

元耶律楚材西域河中十詠  
詩傘柄學鑽笛宮門自斲琴

笛五

原詩陳周弘讓賦得長笛吐清氣詩曰商聲傳後出龍  
吟鬱前吐情斷山陽舍氣咽平陽塢邊騎爭北歸偏知  
別鄉苦羈旅情易傷零淚如交雨 賀徹賦得長笛吐  
清氣詩曰胡關氛霧侵羌笛吐清音韻切山陽曲聲悲  
隴上吟柳折城邊樹梅舒嶺外林方知出塞苦不憚武



溪深 隋姚察賦得笛詩曰作曲是佳人製名由巧匠

鴟絃時莫並鳳管還相向隨歌響更發逐舞聲彌亮宛  
轉度雲窗逶迤出黼帳長隨畫堂裏承恩無所讓 劉

孝孫詠笛詩曰涼秋夜笛鳴流風韻九成調高時慷慨  
曲變或淒清征客懷離緒鄰人思舊情幸以知音顧千

載有奇聲 增唐李嶠詠笛詩曰羌笛寫餘聲長吟入

夜清關山孤月下來向隴頭鳴逐吹梅花落含春柳色

驚行觀向子賦坐憶舊鄰情 李白金陵聽韓侍御吹

笛詩曰韓公吹玉笛惆儻留英音風吹繞鍾山萬壑皆  
龍吟王子停鳳管師襄掩瑤琴餘韻渡江去天涯安可  
尋 又清溪半夜聞笛詩曰羌笛梅花引吳溪隴水清  
寒山秋浦月腸斷玉關聲 又清夜洛陽聞笛詩曰誰

家玉笛暗飛聲散入春風滿洛城此夜曲中聞折柳何  
人不起故園情 丁仙芝剡溪館聞笛詩曰夜久聞羌  
笛寥寥虛客堂山空響不散溪靜曲宜長草木生邊氣  
城池泛夕涼虛然異風出彷彿宿平陽 岑參秋夜聞

笛詩曰天門街西聞擣帛一夜愁殺湘南客長安城中

百萬家不知何人夜吹笛 子鵠舟中月明夜聞笛詩

曰浦裏移舟候信風蘆花漠漠夜江空更深何處人吹

笛疑是龍吟寒水中 孟郊楚竹吟

時盧虔端公見和湘弦怨

曰握

中有新聲楚竹人未聞識音者謂誰清夜吹贈君昔為

瀟湘引曾動瀟湘雲一驚鳳改聽再驚鶴失羣江花匪

秋落山日當晝曛衆濁響雜沓孤清思氛氲欲知怨有

形願向明月分一掬靈均淚千年湘水文 杜牧寄珉

笛與宇文舍人詩曰調高銀字聲還側物比柯亭韻校  
奇寄與玉人天上去桓將軍見不教吹 又寄澧州張  
舍人笛詩曰髮勻肉好生春嶺截玉鑲星寄使君檀的  
染時痕半月落梅飄處響穿雲樓中威鳳傾冠聽沙上  
驚鴻掠水分遙想紫泥封詔罷夜深應隔禁牆聞 劉

滄江樓月夜聞笛詩曰南浦蒹葭疎雨後寂寥橫笛怨  
江樓思飄明月浪花白聲入碧雲楓葉秋河漢夜闌孤  
雁度瀟湘水闊二妃愁髮寒衣濕曲初罷露色河光生

釣舟 元薩都刺江上聞笛詩曰江上何人吹竹笛水  
淺沙寒龍夜泣鮫人水底織冰綃灑淚成珠露華濕銀  
河耿耿波茫茫雁奴打更沙渚旁更深繡被夜寒重明  
月梅花滿地霜

原賦楚宋玉笛賦曰余嘗觀於衡山之陽見竒篠異幹  
罕節簡枝之叢生也其處磅礴千仞絕谿陵阜隆崛萬  
丈磐石雙起丹水涌其左醴泉流其右師曠將為陽春  
北鄙白雪之曲取其雄焉宋意將送荆卿於易水之上

得其雌焉於是天旋少陰白日西靡命嚴春使午子延  
長頸奮玉指摘朱脣曜皓齒頰頰臻玉貌起吟清商追  
流徵歌伐檀號孤子 後漢馮融長笛賦曰融既博覽  
典雅精核術數又性好音律能鼓琴吹笛為督郵無留  
事獨卧鄱縣平陽塢中有雉客舍逆旅吹笛相和融去  
京師踰年暫聞甚悲而樂之作長笛賦其辭曰惟鐘籠  
之竒生兮于終南之陰崖託九成之孤岑臨萬仞之石  
溪是以間介無蹊人跡罕到援雌晝吟鼯鼠夜叫於是

放臣逐子棄妾離友攢乎下風收精注耳夔襄比律子

野協呂十二畢具黃鍾為主詳觀夫曲盾之繁會叢雜

何其富也紛葩爛漫誠可喜也波散廣衍實可異也律

呂既和哀聲五降曲終闋盡餘弦更興繁手累發密櫛

疊重上擬法於韶箛南籥中取度於白雪淥水下采制

於延露已人於時也綿駒吞聲伯牙毀弦瓠巴聒

下挾反

柱磬襄弛縣近世雙笛從羌起羌人伐竹未及已龍鳴

水中不見已截竹吹之聲相似剡其上孔通洞之裁以

當邁使易持京房君明識音律故本四孔加以一君明  
所加孔後出是謂商聲五音畢 陳傳緯笛賦曰貞雲

翠節冒霜停雪江潭薦竿巴人所截五音是備六孔斯  
設殊響抑揚似出平陽曲凝高殿聲幽洞房既逐舞而  
迴袖亦將歌而繞梁忽從弄而危短乍調吹而柔長於  
是時也趙瑟輟謳齊竽息唱見象筵之悅耳聽清笛之  
寥亮 增唐人 失名 笛賦曰南隣退食兮北里朝迴門列  
長戟兮庭張吹臺珠簾半掩兮錦筵四開蛾眉戾止兮



寶笛爰來狎主人與愛客侑珍羞及玉杯  
示指斜據丹脣上列引氣內填流音外泄更微迭盛將  
照復絕及乎和暢平施百志熙熙拂怨爰作萬夫  
矍矍協宮商以節宣隨應變以牢落俾簫不獨舞鳳  
瑟不獨躍鱗嘯無以振木歌無以驚塵諒飛動之咸  
運豈金石之足倫  
唐梁洽吹竹學鳳鳴賦曰鳳惟應聖竹乃無情何截  
彼嶰谷之節而吹象昭陽之聲音韻既生訝噤噤而  
成響宮商間起若鏗鏘以和鳴昔黃帝揆日伶倫制  
律將分天

地之氣以正陰陽之術選碧鮮西域而非妙得厚均崑  
山而無匹既剪既伐玉潤之姿是分以噓以吹金味之  
聲斯出貫時之容未改作瑞之思孔將呼吸兮斷而復  
續疾徐兮抑而更揚散漫于叢篠之間疑郊藪已集飄  
流于芳林之際謂庭梧來翔此音既舉披德可序聞軫  
宮而引商若命儔而嘯侶遂使審音之士睨孤管而生  
疑考祥之人向高岡而延佇又笛聲似龍吟賦曰笛  
為樂兮人所吹噓龍為神兮天泉是居何音聲之酷似

而性質之本疎乍從容而寥亮究律呂以精粹伊滿堂  
之咸驚疑在田之忽至淒清韻起方將樂以忘憂想像  
雲生實曰物從其類徒察其含嚼奔于激濁揚清如泉  
水之或躍疑御日以飛聲象乎鼉有蓬蓬之鼓疑乎鳳  
有嘒嘒之聲高下自乎氣洪衰應乎手曲引如變于雲  
霄霧雨若集其前後劉累聽之而欲泰葉公聞之而反  
走非影響以因依實混合于妙有

管一

原說文曰管如簫六孔十二月之音物開地而牙故謂

之管從竹官聲琯者古者有五管焉 增毛詩曰嘒嘒

管聲 禮文王世子曰登歌清廟下管象武 仲尼燕

居曰升歌清廟示德也下而管象示事也 原爾雅曰

大管謂之簫其中謂之篴小者謂之箛 郭璞注曰管長尺圍寸併漆之

有底賈氏為之如簫六孔捷為舍人曰大管者聲高大故曰簫簫者高也中者聲相密故曰篴篴者密也小者

聲音清妙也 周禮春官小師曰小師掌教簫管 鄭司農曰管如簫六

孔玄謂管如籥而小併兩而吹之 又曰孤竹之管于圓丘奏之孫竹

之管於方丘奏之陰竹之管于宗廟奏之

鄭玄云孤竹竹特生者也

孫竹竹枝根未生者也陰竹生山北

樂法圖曰吹主冬律冬律主黃鍾

聖人承天樂用管

宋均注曰管黃鍾九寸管也

吹管者以知律管音

調則律歷正

蔡邕章句曰管者形長一尺圍寸有孔

無底其器今亡

廣雅曰管象簫長尺圍寸有六孔無

底風俗通曰管漆竹長一尺六孔十二月之音象物

貫地而牙故謂之管

增唐志宮懸登歌樂器八曰竹

為管

文獻通考曰唐之七星管其狀如簫而長其數

盈尋而七竅橫以吹之旁一竅幙以竹膜而為助聲  
宋陳氏樂書曰樂以木為末竹為本古者以候氣律管  
截而吹之濁倍其聲為堂下之樂頭管所以和衆樂之  
聲以其探本故也 續文獻通考曰元頭管以竹為管  
卷蘆葉為首竅七又安和部有羌管二其制未詳 又  
曰明迎膳等樂器各有頭管

## 管二

增文獻通考曰昔女媧氏命娥陵氏制都良之管以一

天下之音又命聖氏為班管合日月星辰名曰克樂至  
于帝嚳令咸黑吹簞展管亦因是也 原大戴禮曰舜

時西王母獻白玉琯 班固曰黃帝作律以玉為管長

尺六孔為十二月音至舜時西王母獻白玉管漢章十

二年零陵營道縣舜祠下得笙一白玉管則古者又以

玉為管矣 增文獻通考曰昔管寧華歆友善曾共鋤

園得金管一寧以鋤揮之與瓦礫無異 又曰唐宣宗

善吹蘆管自製楊柳枝新傾盃二曲 又曰唐劉係作

七星管

桂苑叢談曰咸通中丞相李蔚自大梁移鎮

淮海嘗構池亭目曰賞心有小校薛陽陶因獻朱崖李相陸暢元白所撰蘆管歌篇一軸次出其管茲亭奏之其管絕微每于一歲築管中嘗容三管 文獻通考曰

宋乾德中太常和峴論樂器中有裁手笛其制雅笛而小其長九寸與黃鍾之管相埒其竅有六與雅聲相應然四竅在左兩竅在右笛工兩手交叉而拱之如拱揖之狀因更名曰拱辰管而鼓吹登歌用焉 元史太史



院使齊履謙得黑石古律管蓋古所謂玉律者是也

詳律

### 管三

增示事

賜勲

上仲尼燕居詳前一祭義昔周公有勲勞于天下成王賜之升歌清廟下而

管象

嘒嘒

將將

上詩商頌詳前一又周頌磬筦將將

七星

雙鳳

上唐劉係作詳二文獻通考雙鳳管合兩管以定十二律之音管端施兩簧刻鳳以為首左右各四竅左具黃鍾至仲呂之聲右具蕤賓至應鍾之聲古者截候氣律管併而吹之以達六陰六陽之聲其制不過如此升之雅樂可也

跋膝

昭華

又曰跋膝管其形如蘆而短唐清樂部用之七竅具黃鍾一均

詳笛下

象牙

羊骨

文獻通考哀筚以羊骨為管而無孔惟恤禮用之今鼓吹備而不用

以感葉代之鹵簿與熊羆十二案工員尚存焉宋朝更  
以紅象牙管竅而吹之其聲與律隔八相吹仍存羊骨  
舊制焉  
合日月道陰陽上女媧事詳前二宋陳氏  
樂書先王之制管所以道達

陰陽之聲

形似駱駝

頭如感葉

文獻通考駱駝管以曲竹為之形如駱駝因以

立名唐樂圖有之非古制也又曰太平管形如跋膝  
而九竅是黃鍾一均所異者頭如感葉耳唐天寶中史  
盛所作也然九竅則陽數之窮  
失古人所以道中聲之意也

## 管四

增詩唐沈佺期春曉太平公主小樓聞雙管詩曰王家  
天上鳳樓人傳得仙音到客新未省落梅和折柳風吹

散作萬家春 又韋應物樓中聞清管詩曰山陽遺韻

在林端橫吹驚響迴憑高閣曲怨遠秋城淅瀝危葉振

蕭瑟涼風生始遇茲管賞已懷故園情 又李益夜上

受降城聞管詩曰回樂峰前沙似雪受降城外月如霜

不知何處吹蘆管一夜征人盡望鄉 又嚴維相里使

君宅聽惠澄上人吹小管詩曰秦僧吹竹閉秋城早在

梨園稱主情今夕襄陽山太守坐中流淚聽商聲 又

鄭谷江宿聞蘆管

商船小童善吹

詩曰塞曲淒清楚水濱聲聲

吹出落梅春須知風月千檣下亦有胡蘆河畔人

增疏後周王朴疏曰夫樂作於人心成聲於物聲氣既和及感於人心所假之物大小有數九者成數也是以黃帝吹九寸之管得黃鍾之聲為樂之端半之清聲也倍之緩聲也三分其聲以損益之清濁之聲也十二變而復黃鍾聲之總數也乃命之曰十二律旋迭為均均有七調合八十四調播之於八音著之於歌頌宗周而上率由斯道

竽一

增說文曰竽管三十六簧長四尺二寸 周禮春官笙

師職云笙師掌教吹竽 禮記曰竽笙備而不和明器

也 史記曰臨淄富而實其民無不吹竽鼓瑟 漢書

禮樂志曰孔光奏竽工員三人一人不可罷 注竽三十  
六簧笙類

隋志曰雅樂器二十匏之屬二二曰竽 唐樂志曰

大者曰竽小者曰和竽緩也立春之氣暖生萬物也竽

管三十六宮在左和十三管宮居中 老子曰服文采

帶利劒厭飲食而資貨有餘此之謂盜竽

注曰竽五聲之長也竽倡

則衆樂和大奸倡則小盜和故曰盜竽

楚詞曰代奏鄭衛鳴竽張伏獻

駕辨勞楚商

文獻通考曰竽亦笙也今之笙竽以木

代匏而漆殊愈於匏荆梁之南尚仍古制

樂府雜錄

曰埗竽形類小鐘以手埗之則鳴矣非古制也

如簧而無簧

續文獻通考曰元竽制竹為之與巢笙皆十九簧惟

指法各異

竽二

增陳氏樂書曰昔女媧氏使隨裁匏竹以為竽其形參

差以象鳥翼火類也火數二其成數則七焉冬至吹黃

鍾之律而間音以竽冬則水王而竽以之則水器也水

數一其成數以六焉因六而六之則三十六者竽之簧

數也因七而六之則四十二寸者竽之長數也 唐樂

志文宗好雅樂詔太常卿馮定製雲韶樂有竽一 陳

氏樂書曰宋朝宋祁曾于樂府得古竽有管而無簧列

管參差及曲頸皆為鳳飾樂工皆以為無用之器惟葉

防請更造使具清正倍三均之聲是不知去二變四清以合乎聲律之正也

### 竽三

原笙師掌

丘仲作

上周禮詳一武帝時丘仲作

竽三十六管

間

音

狂會

春秋感精符冬至之日人主使八能之士吹黃鍾之律間補音以竽楚辭竽瑟狂會

鳴鼓宮庭震驚發激楚吳歆蔡謳奏大呂注狂猶並也揜擊也

南郭

北里

韓子齊宣王使

人吹竽必三百人齊吹南郭先生不善竽而濫於三百之中食祿宣王死湣王立好一一聽之先生乃逃

思詩北里吹笙竽

知法度

思蓄聚

樂叶圖吹竽有以知法度竽音調則度數得見



樂總一

盲人吹

八能補

新序楚王使謁者徐光迎方與盲人吹竽

下詳間

注音

行歌挈

請客鳴

晏子景公飲酒夜移於梁丘據之家梁丘據左操瑟右挈竽行

歌而出應璩新詩漢末桓帝時有一馬子侯自謂善音律請客鳴竽為作陌上桑乃言鳳將雛

增

具二

倍三

陳氏樂書說文謂竽管三十六簧象笙以竽宮管在中故也後世所存多二十三管

具二均聲焉

下

火類

水器

陳氏樂書並詳前二

十曲

二均

桓子新論成少伯工吹竽見安昌侯張千夏鼓琴謂曰音不通千曲以上不足以為知音

下詳前

具二

倡諸樂

和衆音

上老子詳一陳氏樂書樂記謂聖人作為鼗鼓控揭塤

麓然後為之鐘磬竽瑟以和之是樂之倡始者在鼗鼓控揭塤麓其所謂鍾磬竽瑟也特其和終者而已

長五聲 併一器

韓非子竽者五聲之長竽先則鐘瑟皆隨竽倡則諸音皆和 文獻通考

宋朝大樂諸工以竽巢和併為一器率取十七管笙為之所異者特以宮管移之左右而不在中爾

# 竽四

原備而不和

禮詳前

簧

三禮圖雅竽簧上下各六

管

博雅竽象笙三十六管

商丘好吹

列仙傳商丘于胥者高邑人也好牧豕吹竽年七十不娶婦而不老邑人多奇之從

受道問其要言但食木菖蒲根飲水不飢不老

民無不吹

史記詳一

少伯工吹

桓子新論音家成少伯工吹竽和音樂也

增七曰匏為笙竽

唐志宮懸登歌樂器七曰

匏為笙為竽為巢為和

高門有

唐韓愈詩高門有笙竽

四清二變

十

二律七音

文獻通考宋朝等或二十三管或十九管二  
十三管則兼乎四清二變十九管則兼乎十

二律

七音

簫一

增釋名曰簫啼也聲從孔出如嬰兒啼聲也 毛詩曰

仲氏吹簫 爾雅曰大簫謂之沂音銀 漢書禮樂志曰

孔光奏主調簫員二人注簫七孔 隋志曰雅樂二十器竹

之屬三二曰簫長尺四寸八孔蘇公作 唐志曰宮縣登歌樂器

八曰竹為簫 宋陳氏樂書曰簫有底之笛也橫吹之

或容覆或潛伏簾為不齊者也宋朝簾六孔太常簾無尺寸第依編架黃鍾為合聲然兼七竅而用之未純乎雅樂也

## 簾二

原鼓腹

祝手

見上簫三吳市注曹植九歌詠云祝手兮吹簾

帝御羗

降

東觀漢記明帝幸南陽舊宅召校官子弟作雅樂奏鹿鳴上自御塤簾和之以娛佳賓洛陽伽藍記後

魏河間王琛有婢朝雲善吹簾能為團扇歌隴上聲琛為秦州刺史羗叛屢討不勝琛令朝雲假為貧女吹簾而乞羗聞之皆流涕相謂曰何故捨鄉井在山谷為寇耶即相尋而降秦民語曰快馬健兒不如老姬吹簾

# 唱來雲曲 為團扇歌

洞冥記建元二年帝幸騰光臺以望四遠于臺上撞玉鐘

擊懸黎之磬吹霜條之簾唱來雲依日之曲

下詳羌降注

鐘鼓俱震 調節相

應

曹植七啟爾乃御文軒臨洞庭琴瑟交輝左簾右笙鐘鼓俱震簫管齊鳴

齊書世祖于南康郡作樂有

絲無管空中聞有

增類笙

為管

陳氏樂書禮言吹簾聲調節相應

吹簾主之仲氏則簾亦笙類而仲氏以況中聲焉先王之雅樂也

又曰舊志以簾為管是不知簾春分之音

而管十二

出三分 有六孔

文獻通考簾以竹為之長尺四寸圍三寸一孔

月之音也

上出寸三分名曰翹橫吹之小者尺二寸廣雅

禮

簾以竹為之長尺四寸有六孔前一後四頭一

掌笙師

詩言仲氏

並詳類

音主春分

調于夏仲

上詳為管注 文獻通考月令仲夏之月調簾蓋調之使和故也

### 簾三

原蘇成公造

世本蘇成公造簾吹孔有甯如酸棗蘇成公平王時諸侯

暴新公造

古史考暴新公所造雖不知暴新公何代人而非舜前人明矣案舜時西王母獻管則是已有此器新公安得

造簾

以竹為

五經要義簾以竹為之六孔有底

如兒啼

釋名詳一

增六

孔有距

蔡邕月令章句簾竹也六孔有距橫吹之

與侖不齊

文獻通考簾或作龠與侖

不齊故也

其聲清辨

陳氏樂書爾雅大頊謂之詔大簾謂之沂詔則六孔交鳴而喧譁沂則一

孔而其聲清辨

簾四

增詩梁沈約詠簾詩曰江南簫管地妙響發孫枝殷勤  
寄玉指含情舉復垂雕梁再三繞輕塵四五移曲中有  
深意丹誠君詎知

增賦唐許堯佐塤簾相和賦曰疾徐共節長短同旨感  
肅雍兮一貫伺戛擊兮雙起為合雅而相諧故殊形而  
共理然則大簾諧奏美矣德音之音鳴簾獨聞同乎以  
水濟水且塤資土以辨形簾假竹而成器土容質可以

符素心竹聲清可以滌煩志是則相從以和律相因以成事苟洋洋而在聽諒醇醇而自致

壎一

增釋名曰壎之為言喧也謂聲濁喧喧然 毛詩曰伯

氏吹壎仲氏吹簫 爾雅云大壎謂之詔 隋志曰雅

樂二十器土之屬一曰壎 唐志曰宮懸登歌樂器三

曰土為壎為詔詔大壎也 風俗通曰壎燒土為之也

圍五寸半長三寸半凡六孔大如雞子 宋陳氏樂書



曰周官之于塤教於小師播於瞽矇吹於笙師以塤為德  
音見於禮如塤如簾見於詩則塤之為器立秋之音也

塤二

原新公造

伯氏吹

世本塤暴新公所造周畿內有暴國豈其時人也本作塤宋均注云

暴新公周平王時諸侯下毛詩詳一

帝自御

簾相諧

上東觀漢記詳簾爾雅

大塤謂之詔注云銳上平底形象鐘大者如鶩子聲合黃鍾大呂也小者如雞子聲合太簇夾鍾也皆六孔與簾聲相諧故曰塤簾相應

增水數

火形

陳氏樂書塤平底六孔水之數也中虛上銳如

稱鍾然火之形也。塤以水火相合而後成，器亦以水火相合而後成。聲故大者聲合黃鍾，大呂小者聲合太簇。夾鍾要在中，聲之和而已。應七音，為八孔。文獻通考古塤六孔，律出中聲也。今太樂舊塤七孔，皆圓而髹之以應七音而已。非先王雅樂之制也。宋景祐馮元樂記：今太樂塤八孔，上一前五後二，髹飾其上。

### 塤三

原燒土為之

風俗通詳前一

雅樂用之

說文：塤，樂器。塤，謂聲濁而喧喧然。今雅樂

部用之

增灼土

拾遺記：春皇庖犧氏灼土為塤，禮樂于是興矣。

雅塤如雁頌

塤如雞

文獻通考：古雅塤如雁子頌，塤如雞子其聲高濁合乎雅頌故也。

對而吹之

又曰宋太常舊器無頌壘至皇祐中聖制頌壘調習聲韻並合鍾律前下一穴為太簇上二穴右為姑洗啟下一穴為仲呂左雙啟為林鍾後二穴一啟為南呂雙啟為應鍾合聲為黃鍾頌壘雅壘對而吹之尤協律清和可謂善矣誠去二變而合六律庶乎先王樂也

金方土圓水平火銳

陳氏樂書壘作

壘者金方而土圓水平而火銳一從熏火也其徹為黑則水而已從圓則土之形圓故也或謂壘青之氣陽氣始起萬物暄動據水土而萌始于十一月成于立春象萬物萌出于土中是主土王四季所言非主正位六月而言亦一說也

壘四

增賦唐鄭希稷壘賦曰至哉壘之自然以雅不僭居中

不偏故質厚之德聖人貴焉于是徵甄人之事業暴公  
之作在均成性其由橐籥隨時自得於規矩任素靡勞  
於丹雘乃知瓦合成亦天縱既數有以通無遂因無以  
有用廣纔連寸長匪盈把虛中而厚外圓上而銳下器  
是自周聲無傍假為形也則小取類也則大感和平之  
氣積滿於中見理化之音激揚於外邇而不逼遠而不  
背觀其正五聲調六律剛柔必中清濁靡失將金石以  
同功豈竽笙而為匹及夫和樂既翕燕婉相親命矇瞍

鳩樂人應仲氏之簫自諧琴瑟雜伊耆之鼓無相奪倫  
化人成俗何莫由此知音必有孚以盈之是以不徒忘  
味而已

簫一

增劉熙釋名曰簫躍也氣躍而出也 毛詩曰左手執  
簫右手秉翟 爾雅曰簫如笛三孔而短小 周禮曰  
笙師掌教吹簫簫師掌教國子舞羽吹簫 唐裴寬傳  
曰廟卑忌尊則去簫 五代史崔胤傳曰文舞郎左執

簫 風俗通曰簫樂器竹管三孔所以和衆聲也 宋  
陳氏樂書曰易云震為萑葦為蒼筤竹爾雅云葦醜芳  
郭璞注其類皆有芳葭蘆葦也則葦簫竹簫皆震音  
也蓋太極元氣函三為一行於十二辰而律呂具矣始  
動於子參之於丑得三而簫之為器本於黃鍾之龠竅  
而三之所以通中聲而上下之律呂所由生也古之人  
始作樂器而葦簫居其先焉震為六子之首簫為衆樂  
之先其斯以為稱始乎

篇二

原和衆

昭功

上風俗通詳前一 呂氏春秋 皋陶作為夏樂九成以昭其功

伊耆

樂

國子吹

禮記蕢桴土鼓葦籥伊耆氏之樂也 下周禮笙師詳前一

大產小

筭

右執左秉

爾雅大籥謂之產其中謂之仲小者謂之筭 見上舞三

增衆樂

之始

中聲所通

陳氏樂書詳一 人曰詩者中聲所止也 籥者中聲所通也 土者中聲所

本也 周官籥章掌土鼓 幽籥者以其迎寒逆暑必以中聲之詩奏之中聲之鼓 敵中聲之籥則所道者中德所詠者中聲所順者中氣 無往不為中和之紀矣

得三

名仲

上詳前一 詳大產小籥注

震音

卯竹

上陳氏樂書詳一 文獻通考古者取卯地之竹以為籥春分之音萬物震躍

而出也

### 簫三

原以簫不僭

詩僭音侵

以簫為樂

為人吹簫以為樂

為五聲

禮周

簫章職凡國祈年于田祖簫鼙雅擊土鼓以樂田畋鄭注云祈年祈豐年也田祖始耕田者謂神農也鼙雅七月也七月有于邦舉趾謐彼南畝之事是亦歌其類謂之雅者以其言男女之正也

秋冬學羽

簫

王制春夏學干戚秋冬學羽簫

商容執羽簫

韓詩外傳商容嘗執羽簫馮于焉徒欲以

伐紂而不能遂去伏於太行及武王克殷立為天子欲以為三公商容辭曰吾嘗馮于焉徒欲以伐紂而不能愚也不爭而隱無勇也愚且無勇不足以備乎三公

有異聲

見前笛一

增紅頰吹



唐韓愈詩紅頰吹鳴箏

李照造

玉海宋景祐中李照造葦箏

律呂咸備

又

宣和元年十九日樂工張從寶上古箏一管自陳世習其藝按之以聲悉協音律

通中聲備

二變

文獻通考三漏之箏所以通中聲先王之樂也七漏之樂所以備二變世俗之樂也聶崇義禮圖所

傳併今太常所用者三孔而已豈亦得先王之制歟

笳一

增晉先蠶儀注曰車駕往吹小箏發吹大箏箏即笳也

唐儀衛注曰大駕鹵簿前後部皆以笳次之 文獻

通考曰漢有吹鞭之號笳之類也其狀大類鞭馬者今

牧童多卷蘆葉吹之

續文獻通考曰遼前後鼓吹部

笳二十四橫吹樂同金鼓吹分爲四部笳數皆仍遼制

又曰元笳制如火不思

詳琵琶三

卷頸龍首二絃用弓撥

之弓之絃以馬尾

## 笳二

增天中記曰胡笳者漢張博望入西域傳其法于西京  
惟得摩訶兜勒一曲李延年因其曲更造新聲二十八  
解以爲武樂有出塞入塞揚柳等十曲 原蔡琰別傳

曰琰字文姬先適河東衛仲道夫亡無子歸寧於家漢

末大亂為胡騎所獲在左賢王部伍中春月登胡殿感

笳之音作詩言志曰胡笳動兮邊馬鳴孤雁歸兮聲嚶

嚶曹嘉之晉書曰劉疇字正喬曾避亂塢壁賈胡百

數欲害之疇無懼色援笳而吹之為出塞之聲動其遊

客之思於是羣胡皆倚泣而去世說曰劉越石為胡

騎所圍數重城中窘迫無計劉始夕乘月登樓清嘯胡

賊聞之皆悽然長歎終夜吹奏胡笳賊皆流涕人有懷

土之切向曉又吹賊并起圍奔走或云是劉道真 增  
文獻通考曰沈遼集大胡笳十八拍世號為沈家聲小  
胡笳十九拍末拍為契聲世號為祝家聲唐陳懷古劉  
克渚嘗勸停歇句度無謬可謂備矣

### 笳三

原傳西京

出戎俗

張博望詳前二  
伯陽避亂入戎

杜摯笳賦序昔  
戎越之思有懷土

風遂建斯樂美其出于  
戎貉之俗有大韶夏音

運氣

合音

笳賦潛氣內運  
浮響外盈杜

摯笳賦合  
簫管之音

互動

是崇

李陵書胡笳互動牧馬悲鳴  
吟嘯成羣邊聲四起杜摯

箴賦序昔伯陽避亂入  
戎遂為斯樂邊茹是崇

啟路

向風

魏文帝與吳質書從者鳴茹以

啟路文學托乘于後車  
人于潤水之濱向春風而吹長茹音聲寥亮有感余情

孫楚茹賦頃還北館遇華髮

播曲

感情

蔡琰播為琴曲  
下詳向風注

捲蘆葉

折楊柳

者

胡人捲蘆葉吹之以作樂也  
故曰胡茹 李延年詳前二

揚清臚隱皓齒

吹東

角動南徵

茹賦爾乃調脣吻整容止揚  
清臚隱皓齒 見杜摯茹賦

增契聲

楚

調

沈遼集詳前二 文獻通考楚調有大胡茹  
鳴小胡茹鳴並琴箏笙得之亦其遺聲歟

吹鞭

嘯葉

詳前一 文獻通考嘯葉銜葉而嘯其聲清震  
橘柚尤善或云卷蘆葉而為之形如茹者也

大鳴小鳴

沈家祝家

上詳楚調注  
下詳前二

叩角動商

鳴羽發徵

陳氏樂書古之人激南楚吹胡笳叩角動商鳴羽發徵風雲為之搖動星辰為之變度況

人乎

振弓

吹葉

元笳制詳前一續文獻通考遼大樂器有吹葉

### 笳四

增詩唐溫庭筠碧笳曲曰朔管迎秋動雕陰雁來早上  
郡隱黃雲天山吹白草嘶馬悲寒磧朝陽照霜堡江南  
戍客心門外芙蓉老

原賦魏杜摯笳賦曰唯葭蘆之為物諒潔勁之自然託  
妙體於阿澤歷百代而不遷於是秋節既至百物具成

嚴霜告殺草木殞零賓鳥鼓翼蟋蟀悲鳴羈旅之士感  
時用情乃命狄人操笳揚清吹東角動南徵清羽發濁  
商起剛柔待用五音迭進倏爾却轉忽焉前引或緼緼  
以和懌或悽悽以噍殺或漂淫以輕浮或遲重以沉滯  
晉孫楚笳賦曰銜長葭以泛吹噉啾啾之哀聲奏胡  
馬之悲思詠北狄之遐征順谷風以撫節飄逸響乎天  
庭徐疾從宜音引代起叩角動商鳴羽發徵若夫廣陵  
散吟三節白紵太行長曲哀及梁父似鴻雁之將雛乃


羣翔於河渚 又夏侯湛夜聽笳賦曰越鳥戀乎南枝  
胡馬懷夫朔風惟人情之有思乃否滯而發中南閭兮  
拊掌北閭兮鳴笳鳴笳兮協節分唱兮相和相和兮諧  
慘激暢兮清哀奏烽燧之初驚展從繇之歎乖伸棄兮  
更纏遷調兮故顏披涼州之妙操擿飛龍之奇引垂幽  
蘭之游響來楚妃之絕歎放鷗雞之弄音散白雲之清  
變



御定淵鑑類函卷一百九十

謹案第八頁後四行則若雷霆較鞠佚像以沸渭  
刊本渭訛惛據文選改





總校官庶吉士

臣

張能照

校對官檢討

臣

王福清

謄錄監生

臣

胡先鳴